

Bekpààtìbè pátíri dèrì **Di mpátíri tɔ̀ t̀̀i náàntì**

Bekpààtìbè pátíri dèrì sɔ̀tɛ̀ diketirì kó tináàntì nti. Kε ti náá nSudaa kɔ̀bὲ nè Isidayεeri kɔ̀bὲ dὲ kó bekpààtìbè sɔ̀mbὲ kó tináàntì.

Dὲ kó dipátíri kó diwétirì ketirì ti náá ny-Isidayεeribὲ kó bekpààtìbè dò bùtínnémè mme Kuyie nkè kùu pɔ̀ntὲ bὲ kó dikpààtìyuu. Asidii kóo kpààtì weè dò bè dò mudoò ké̀ bè na kέpĩmmú benìtìbè mabè kέkònnè o ciὲ.

Dὲ kó dipátíri ketirì miεke nkὲ bè nàkémè Edisee pĩ mmùù tɔ̀mmú. Edisee dò tú Kuyie mpāānāàntì náàntò nwe wèè dò sɔ̀tɛ̀ Edii f̀̀tìrì.

Dὲ kó dipátíri kó diwétirì diketirì mukàmmù 18-25 ti náá nSudaa kó dikpààtìyuu dò kpáámè dimáà kémɔ̀ntὲ mediè nkétuakὲ yεbie ntékòùtè nè sipísitàāti (130) kè Babidɔ̀nni kóo kpààtì Nebukannesaa yàà bè donè mudoò kέfietὲ Sedisadεmmu ὲi, kέpɔ̀ntὲ Kuyie ncĩètè, kέpĩmmú benìtìbè mabè kέkònnè Babidɔ̀nni.

Di mpátíri náàntì duó kὲ dòmmè

1. Edii tɔ̀mmú kó kumà̀nku 1-2
2. Edisee kó mutɔ̀mmú kέntɔ̀ kétuakὲnè Isidayεeri kó dikpààtìyuu p̀̀ntemè 3-17
4. Sudaa kpààtìyuu kó tináàntì kétúóté Esekiasi tɔ̀mè tikpàtì kέntɔ̀ kétuakὲnè bὲ dootitɔ̀bè bè pĩ́múmè kὲ kònnè 18-25

Okpààtì Aasia beémmè dibɔ̀ Baadi-Sebuudi

¹ Okpààtì Akabu kũũ nkó difɔ̀nkúò kè Məabu kəbɛɛ yetemu Isidayɛɛribɛ kpɛti.

² Diyiè marì kòo kpààtì Aasia mbo Sammarii okpààtì cīɛtè kudànkù ìnkè kédonní kékəute mediè nkétɔ nyetɔ̀rè kè yè nàkè kɛ dɔ̀: Kɔ̀tɛnɛ Ekunɔ́ kɛbeé ndibɔ́ Baadi-Sebuudi kɛyà kè m bo miɛtɛ. ³ Kè ti Yiè nKuyie ntɔ̀nní ku tɔ̀nni marì kè dii nàkè Edii Tisibiti èi kou kɛ dɔ̀: Ítɛ kékəute kɛconɛ Sammarii kóo kpààtì kó yetɔ̀rè kè yè beke kɛ dɔ̀: Kuyie nyí bomu Isidayɛɛribɛ tenkè kòo duó nkè di kɔ̀tɛ Ekunɔ́ kɛ bo beé mbɛ bɔ́ Baadi-Sebuudaa? ⁴ Nè dɛ kpéí nti Yiè nKuyie ntu nh ò nàkè kɛ tú ò mè nduó dii dɔ̀ ò tɛ́nkɛ í iti, ò yóó kúmu.

Edii ti mbè nàkè kɛpɛ́ɛtɛ. ⁵ Kòo kpààtì Aasia do tɔ́ mbɛɛ wɛtoó o borè kòo bè beke kɛ dɔ̀: Dè dòmme kè di wɛtɛní? ⁶ Kè bèɛ ò tɛ́nné kɛ dɔ̀: Onìti mɔ̀u wɛɛ ti conɛ kɛ tú tí wɛtɛní kɛ da beke kɛ tú, ti Yiè nKuyie nyí bomu Isidayɛɛribɛ tenkè kàa duó nkè ti kɔ̀tɛ Ekunɔ́ kɛ beé mbɛ bɔ́ Baadi-Sebuudaa? Ò tu nè dɛ kpéí nha mè nduó dii dɔ̀ a í yóó ítɛ, a yóó kúmu.

⁷ Kòo bè beke kɛ dɔ̀: Onìti wɛɛ di conɛ kɛ di nàkè dɛ kó tináànti ò dòmme?

⁸ Kè bèɛ ò tɛ́nné kɛ dɔ̀: Onìti nwe kɛ dáátí diyaàbòrì bè dùàkɛnɛ di yòyó kó ticìti kɛ bou fɛnaàkɔ̀nfɛ o ka.

Kòo kpààtì dɔ̀: Edii nwe Tisibiti èi kou.

Aasia dómè kɛpɛ́ nhEdii

⁹ Kòo kpààtìi dɛitɛ kuhāāpònkù nè behāāpòmbè sipísìnùmmù kè bèɛ dekoo Edii kàri dè ditā̀rì ìnkè kóo nàkè kɛ dɔ̀: Kuyie nkóo nìti, okpààtì tu a cútɛní!

¹⁰ Kè Edii bè tḗnné ke dò: Kè mènke nwe n tùmè Kuyie nkóo nìtì, muhǎǎ ncúténí keĩnkè ke da cóúté fǒ nnè a kǎbe.

Kè muhǎǎ ncúténí kóò cóúté wenwe nè o kǎbe.
¹¹ Kòo kpààtì yíé kètōnko kuhǎǎpònkù tekù nè behǎǎpòmbè tǎbè sipísìnùmmù kè bèe dekoo kóò nàké ke dò: Kuyie nkóo nìtì, okpààtì tu a cúténí.

¹² Kòo bè tḗnné ke dò: Kè mènke nwe n tùmè Kuyie nkóo nìtì muhǎǎ ncúténí keĩnkè ké da cóúté fǒ nnè a kǎbe!

Kè muhǎǎ ncúténí kóò cóúté wenwe nè o kǎbe.
¹³ Kòo kpààtì Aasia yíé kètōnko kuhǎǎpònkù tǎǎnkù nè behǎǎpòmbè tǎbè sipísìnùmmù. Kè bèe tuǎkoo Edii borè kénínkóo o ìkè kuhǎǎpònkù kùù bè nì kè kùu ò bàntè ke dò: Kuyie nkóo nìtì, donté ti wǔǔ, mmí nnè be nnìtìbè sipísìnùmmù ti tú a kó betōmbè mbe, a báá ti kuǎ, ¹⁴ kéndònnè muhǎǎ ncúténímè ke cóúté titōntì ketìtì tidétì nè ti kó benìùbè bemou. Di mmònnì donté nh ònnì ke bá n kuǎ!

¹⁵ De mōnnì kè ti Yìè nKuyie ntōnnì nàké Edii ke dò: Neinè we kè dí cúté, a bá nhò yǐèkù.

Kè Edii íté kóò neinè kè bèe cúté, kékote okpààtì borè. ¹⁶ Kè Edii ò nàké ke dò: Tì Yìè nKuyie ntu a mè nkòtemè Ekunoo ke beé mbe bōò Baadi-Sebuudi, nè de kpéí nha ténke í iti a mè nduó dìi dóù ìnkè. A yóó kúmu.

¹⁷ Kè Aasia mènke kú ti Yìè nKuyie nti nàkémè Edii, kòò ti béi. Ò ku memme kòo tebite Yodammu sōtè tikpàtì ke yé Aasia do í mōkemè debire. Dè do sǒ nSosafati bire Yodammu tǎu Sudaa kǎbe kóo kpààtì bo o kpàtì benni déri ndi.

¹⁸ Aasia dɔ̀rìmè tēmè nè o tōmmú dè wàrimu Isidayeɛribe kpààtìbè dɔ̀rìmè pátíri mieke.

2

Kuyie ntùótémè Edii

¹ Nte dè do wũ̀kémè ti Yiè Kuyie ndó kètúóté dìi m̀nni Edii nè tef̀dóntè kédekenè keĩnkè.

Edii nè Edisee bè do iti Kidikaadi nwe, ² kè Edii náké Edisee ke d̀: Nkpaá diɛ, ti Yiè nKuyie nni ntɔ̀ mBetɛɛdi nwe.

Kè Edisee parìkè ke d̀: Ti Yiè nKuyie mbomu kàa bo, n yí yóó da yóu!

Mem̀me kè bèɛ nei kékɔte Betɛɛdi. ³ Ti Yiè nKuyie mpāānāānti náam̀bè tɔ̀bè bèè tikú Betɛɛdi kè bèɛ yènní kéco Edisee kóò beke ke d̀: A yé ke d̀ nKuyie nyóó túóté yíe nha cice kédekenè keĩnkà? Kòo bè tḗné ke d̀: N yému, yĩnè yúóó.

⁴ Kè Edii yíé kénáké Edisee ke d̀: Nkpaá diɛ, ti Yiè nKuyie nni ntɔ̀ nSedikoo nwe.

Kè Edisee parìkè ke d̀: Ti Yiè nKuyie mbomu kàa bo, n yí yóó da yóu! Kè bèɛ nei kékɔte Sedikoo. ⁵ Ti Yiè nKuyie mpāānāānti náam̀bè tɔ̀bè bèè bo Sedikoo kè bèɛ yènní kéco Edisee kóò beke ke d̀: A í yé ke d̀ nti Yiè nKuyie mbo túóté yíe nha cice kédekenè keĩnkà? Kòo bè tḗné ke d̀: N yému, yĩnè yúóó.

⁶ Kè Edii ò nàké ke d̀: Nkpaá diɛ, ti Yiè nKuyie nni ntɔ̀ nSuditēɛ nwe.

Kè Edisee parìkè ke d̀: Ti Yiè nKuyie mbomu kàa bo, n yí yóó da yóu.

Kè bèɛ sɔ̀tè kénneí bedé. ⁷ Kè Kuyie mpāānāānti náam̀bè tɔ̀bè sipísìnùmmùu katení kéncom̀mú medétimè, Edii nè Edisee kè bè bo kukó nSuditēɛ

také. ⁸ Kè Edii dáté o yaàbòrì ké dì kpèú nképoté Suditēē kó mmenie nkè mēē kéété kécómmú tipíiti tìdé kè bèē na òkperè késénté.

⁹ Bè sèntóo dìi mǎnnì kè Edii beke Edisee ke dǎ: A dǎ ba? Kè n dè nda dǎò kè Kuyie nné na ké n túóté kédèkenè kēĩnkè?

Kè Edisee dǎ: N dǎ kǎpété Kuyie nYáá mmùù da bonè mǔmmu kucē mǎdémè. ¹⁰ Kè Edii dǎ: A m békú dè yóumu, kàa n wúó n yiti dìi mǎnnì ke deètì kēĩnkè a bo dè pèté, kè mēē òkē a báá dè pèté.

¹¹ Bè nǐ mēmmē ke náante ké nyóó daatení kǎyà tekparisǎntè matè kè tē cǎú mmuhǎǎ nkè sisēĩ sǐi tē dǎri kè sǐ cǎú mmuhǎǎ. Kè sǐi tuǎkení be borè kécómmó be cuokè, kè fǎfǎdǎnfǎe túóté Edii nē tekparisǎntè kédèkenè kēĩnkè. ¹² Kè Edisee ndè wúó nkékuǎnko ke dǎ: N cǐcē! N cǐcē! Isidayēeribe kpǎrisēĩ nē si dēèbè tu fǎ nwe.

Ò mē nyĩ kóò mǎntóo ke pĩ nho yaàbòrì kékēté yekētiyè yédéē, ¹³ kǎtúóté Edii yaàbòrì ò bǎnténí dì kǎwǎtē kǎncómmú kukó nSuditēē bǎnnì, ¹⁴ ke tǎ Edii yaàbòrì ò túóté dì, ké dì poté mēnie nke dǎ: Tǐ Yǐè nKuyie nhEdii tǔ nkù bore? Kǎyí kǎpoté mēnie kè mēē kéété, kòò sénté. ¹⁵ Kè Kuyie mpǎǎnǎǎhì náǎmbè tǎbè bembē bèē ò tǐkú mǎdétimè, kè bèē ò yà kǎbǐi nke dǎ: Kuyie nYáá mmùù ò bonè Edii, muù bonè Edisee, kǎkétóo kóò conè kǎnínkú kǎsǐnnǎo o ùkè. ¹⁶ Kóò nǎké ke dǎ: Tǐnti a kó bǎtǎmbè tǐ miēke yekǎmbò yembè bomu sipísǐnǔmmù, duó nkè bèē kǎtē kǎwammú a cǐcē kǎyà tǐ Yǐè nKuyie nYáá mbá nhò túóté ke kǎtē ke dootóo dǐtǎri mari ùnkè yoo kubiriku makù miēke.

Kè Edisee yetē ke dǎ: Báá tǎnnè òmǎù. ¹⁷ Kè bèē yetoo ke baa nhò kǎónnè kòò mbo ke dǎ: Tǎnnè be!

Kè bɛɛ tɔ mbenitibè sipísìnùmmù, kè bɛɛ kɔtɛ kénwàà nhEdii kɛ dɔ yɛwɛ yètāāti bá bɛ í nhò yà, ¹⁸ kéwɛtɛní Edisee borè Sedikoo, kòo bɛ nàké kɛ dɔ: N do di nàkému kè n dɔ di báá kɔtɛ!

Edisee wènkùnnemè Sedikoo kó menie

¹⁹ Kè Sedikoo èi kɔbɛɛ nàké Edisee kɛ dɔ: Okótì, a wúómmu a mómumu nti èi wennimè, menie nné í wenni dèmarè í pɛí ti tenkè miɛkɛ. ²⁰ Kòo bɛ nàké kɛ dɔ: Wáánnènní dibúpànni, kéānné mukókúó nké n duó.

Kè bɛɛ dè nhò duó. ²¹ Kòo kɔtɛ dinébòrì kéānné mukókúó ndi miɛkɛ kébéi nke dɔ: Tí Yìè nKuyie ntu kù wènkùnnemu mɛ nniɛ, mmè ténkɛ í yó ntouni mukũ nyoo dèmarè í mpɛí di tenkè miɛkɛ.

²² Mɛmɛ kè menie nwenkɛ kéndònnè Edisee béimmè, kɛ kpáá wenni nè yíenní.

Ibí daámè Edisee kòo ì bɔnté kusĩnkù

²³ Kè Edisee íté dɛ borè kèndeètì Betɛɛdi, dɛ kó dihéi do bo ditennì ndi. Ò kèrí dìi mǎnni kɛ deètì Betɛɛdi kè idapùmbí yènní Betɛɛdi ké nhò sǎǎ nke tú: Dekení a yukũɔtikù! Dekení a yukũɔtikù!

²⁴ Kè Edisee wɛɛtɛ ké nyi wùó nké ì bɔnté kusĩnkù nè ti Yìè nKuyie nyètìrì kè dɛpĩmpĩnnè yènní dèdérè kèpĩmmú ìi dapùmbí sipísìnàà nè ìdèí kètɔtɛ tɔtɛ. ²⁵ Ò dɛ nyíté kédeke Kadimɛɛdi tǎri, kéíté dende kéwɛtɛ Sammarii.

3

Yodammu naámmè Isidayɛeribɛ kóo kpààtì

¹ Sosafati Sudaa kɔbɛ kóo kpààtì kpàtì benni tɛpítè nè diniínni miɛkɛ nke Akabu birɛ Yodammu naámmè Isidayɛeribɛ kóo kpààtì, kémbo Sammarii kɛ baké Isidayɛeribɛ kɛ dɔ yɛbie ntɛpítè nè yèdèè.

² Kè Yodammuu dɔ̀ò ti Yiè nKuyie nyí dɔ̀ dè, o yei nnè í ntùðkè o cice nè o yɔ̀ bè do dɔ̀ò mè. Weè do pùò ndibɔ̀ò Baadi kó diwũ̀tònnì o cice do maá dì. ³ Kè né nkpaá taunè meyei nNabati bire Sedoboammu do tanné Isidayeeribe mèè mieke. Ò do í mè yóu.

Isidayeeribe do domè Mɔabu kɔbe mudoò

⁴ De mɔnnì kè Mɔabu kóo kpààti Mesa tu opecēti, ke níí ndò nkéduó mbá dii benni Isidayeeribe kóo kpààti ipeni tekɔupíkùtè (100000), nè yepedakè yèè cìtì òkù tekɔupíkùtè (100000). ⁵ Kè Akabuu kú kòo yete Isidayeeribe kpeti. ⁶ De yiè kòo kpààti Yodammuu yènnì Sammarii kékaa nyIsidayeeribe bemu, ⁷ kètɔ̀ nkè bèe náké Sudaa kɔbe kóo kpààti ke dɔ̀: Okpààti Yodammuu tu Mɔabu kóo kpààti weè yete o kpeti, kòo tu kàa bo yie nhá kɔtoo kè di ò dokénè. Kè Sudaa kɔbe kóo kpààti bè tɛ̀nné ke dɔ̀: Nkɔroomu, mí nnè we ti tú onìtì òmáá ndi. N nìtibè tu o kɔbe mbe kè n sɛ́í tú o kpesi. ⁸ Kè Yodammuu yíé kóò beke ke dɔ̀: Ɔnkuce nku ti yóó kétéme? Kòò dɔ̀: Edammuu kó kuce kùù yiè dikpàa.

⁹ Memme kè bèe wɛ̀nné Isidayeeribe kóo kpààti nè Sudaa kɔbe kou nè Edammuu kou kékété, ke dɔ̀ kuce yewe yèyiekè kè meniè ndónté behã̀pòmbè nè iwũ̀ ì tɔ̀ be nenti. ¹⁰ De mɔnnì kè Isidayeeribe kóo kpààti kuónko ke dɔ̀: Ti pàkému! Ti Yiè nKuyie nkuù ti tìí ntínti be nkpaàtibè titã̀ti ke bo ti ãnné Mɔabu kɔbe nou mieke.

¹¹ Kè Sudaa kɔbe kóo kpààti dɔ̀: Ti Yiè nKuyie m pããnáãntì náãntò mɔ̀ù í bɔ̀ diè nke dɔ̀ nti kɔte o borè kòo beé nKuyie nti kpéínáa? Kè Isidayeeribe kóo kpààti kóo tɔ̀ntì mɔ̀ù dɔ̀: Safati bire Edisee bomu diè

nwèè do ãã Edii menie nkòò nùtì. ¹² Kè Sudaa kàbe kóo kpààtì dò, ò yóó ti nákému ti Yiè nKuyie nti dónè tì.

Menìme kè bèe nêi betããti, Isidayeeribe kóo kpààtì nè Sudaa kàbe kou nè Edømmu kou kékàte káyà Edisee. ¹³ Kè Edisee náké Isidayeeribe kóo kpààtì ke dò: Kè n kpèti né da dònè me? Kàte káyà ti Yiè nKuyie mpããnáàntì náam̀bè a cice nè a yò be kàbe, kè Isidayeeribe kóo kpààtì dò: Dè í tú ti Yiè nKuyie nkuù ti tii ndie ntínti be nkpààtibè titããti ke bo ti ànné mMoabu kàbe nou mièkà?

¹⁴ Kè Edisee ò tẽnné ke dò: Ti Yiè nKuyie Mpakèdaa, n tú kùù kóo tǎntì, kè dè í tú ku kpéi nnè Sudaa kàbe kóo kpààtì Sosafati kpéi, n na bá ndake a kpèti, n keté ke na bá nda wènté bá sám̀pó. ¹⁵ Kòo deè ke dò: Waánnènní wèè bie nkukùtìdùkù.

Kè bèe ò waanní, kòo benté, kè ti Yiè nKuyie nYáá ncúténí Edisee ìnkè. ¹⁶ Kòo b́éi nke dò: Ti Yiè nKuyie ntu dí dammú yefòtè yefòtè dikondaa dii mmieke. ¹⁷ Ti Yiè nKuyie mbéimmu ke tú: Di í yóó keè kuyaakù, di me nyí yóó yà fetaafè nè memme kè menie nné píe ndikondaa dimou, kè di yà d́indi nè di ããpòmbè nè di wũ ì tǎ di nentì. ¹⁸ Dende keté ke né tú desám̀pórè nde ti Yiè nKuyie mborè, kù yóó ànnému Moabu kàbe di nou mièke. ¹⁹ Kè di puo mbe ekè dièyè nè iduotí fité yè, kékãũ detie ndemou bè yo ndèè be, ḱíftínné be nébòrè yemou, ḱépíe mbe paa ndemou yetárè kè dèe cake.

²⁰ Kè dèe wenté dikũnweñni bè ãã fíé dìi m̀nni iwũ Kuyie. Kè menie nyènní Edømmu bíkè, ḱépíe mbe tenkè kemou.

21 Kε ś mMɔabu εì kɔbε kèè bəkpààtìbè bètāāti bāátímè kε yóó bè do mudoò, kè bèε tí mbèè kó dimàà dò nkéna kékɔtε mudoò kè bèε kɔtε kéokε bε temmànkυ. 22 Dè wenté dìi mǎnnì kè diyìè yènnì, kè diwennécànnì tiit́é mēniε nyĩnkè kè Mɔabu kɔbεε yà mēniε nkó kuwũǝkù, kè kù ndò mmeyĩ. 23 Kè bè dò: Meyĩ mmε, bεè kpààtìbè bεè kònt́é kε kùɔ bεmáà, tí kɔtεnè kéhɛi bε kpεε.

24 Bè tùǝkení dìi mǎnnì Isidayεεribε karì, kè bèε ootení ké bè do tiyēiti, kè bèε coké kéta bε tenkè, kè bèε bè dinté ké bè bèíté béíté, 25 képuɔ mbε εkè kédooté dooté bá wè ditāri bε paa nsààrè miεkε ké dè piε nyetārè, kéĩtinné sibií simɔu kékǝũ dεtiε mbè yo ndèè kó yεbε.

Kè dè nkpaá Kiidi-Adeseti εì mǎà ndi, kè dεtántènditirè yembèε di cēēte ké dì bùstí yetārè képuɔ. 26 Dε mǎnnì kè Mɔabu kóo kpààtìi yà dè ò fuutenèmè kétúóté bεhǎǎpǝmbè yεsebábáté yembè sikɔusiyeikè (700) kε bo kēté benitibè kékɔtε Edɔmmu kóo kpààtì borè kéyĩεkε. 27 Ò yĩεkε mεmmε kéyóu kétúóté o kóo po wèè na nsɔt́é o kpàtì, kóò fèúté dihɛi kó kuduotí ĩnkè kétuɔ, kè dεε yonkε Isidayεεribε, kè bèε ò yóu kékò.

4

Edisee dǝò tìi diētì okúpokù kpéi

1 Diyìè marì kè Kuyie mpǎānǎāntì nǎām̀bè miεkε kóò mǝu kóo pokuu kɔtε kéyà Edisee kóò bǎntè kε dò: A yému a kóo tǎntì n dǝu wèè ku, ò do túmè ti Yiè nKuyie nkóo nìtì nwe. Ò ku kè ti banteu wèè kòtení kε dó kétúóté m bí idé kédǝò o daatì.

² Kè Edisee dò: M bo na kédòò ba a kpéí? Kédeè ke dò: Kàa mòke mù tɛɕĩɛ̀tè a n náké. Kòo nitipòkùu ò tɛ́nné ke dò: A kóo tǎntì mí, n yí mǎke dèmarè, kè dè í tú məkùò, mèè kpaá sámpórè tédéntè miεke. ³ Kè Edisee ò nàké ke dò: Kòtε a cɛ̀pɛɛtítòbè borè kèpente yemátidíè mpéu a bo na kèpété kè yè mmamè. ⁴ Kàa dèè dí ta kudieku f́ nnè a bí, kàa kpetínné dibòrì, kénhuti məkùò mmemme yedíè nkè dìi níi píe nhá dìi kèi nkéínné.

⁵ Kòo nitipòkùu ítóo kékò nkéta o dieku wenwe nè o nitidabí kékpetínné dicàù, kòo bí nhò duò nyedíè nkòò uti məkùò. ⁶ Yedíè mpíe ndìi mǎnni kédeè kòo náké o birε marè ke dò: N duǎnni didénni!

Kòo birε dò: Didénni í kpaá. De mǎnni ndi məkùò ncòrmúmè. ⁷ Kòo kòtε kè tì nàké Kuyie nkóo niti Edisee. Kòo dò: Kòtε kéfíté de kó məkùò nkéyietí a bànni! Kè ìi sùò ndí nyo nf́ nnè a bí.

Edisee nàkémè Sunemmu kóo nitipòkù ò yóó pɛitémè

⁸ Kè Edisee mpɛ̀nké diyìè marì Sunemmu èi, kòo nitipòkù mǎu dè bo ke mǎke o kpεε mεsàà nkéyú Edisee ke dò wèè di, kétúóté de kó diyìè nè yεwe tεyè yèè kpaani kè Edisee níi de mbáté kédì.

⁹ Diyìè marì kòo nitipòkùu náké o dǎu ke dò: N yému ke dò nKuyie nkóo nitisàù weè bàtírì tì cĩɛ̀tè, ¹⁰ yóu kè tí ò ǎnné kudieku kóò dǎu mmutɛ́ nè dikàrì nè tábùrì nè fitírè, kòo níi pɛ̀nké wèè de mbáté.

¹¹ Mεmmε diyìè marì kè Edisee mpɛ̀nké de borè kébáté kéta kudieku kénduó, ¹² kénáké o kóo tǎnti Keasii ke dò: N yúnì tε ncĩɛ̀tè kóo nitipòkù. Kòo o

yúńí, kòo kàtení kécómmó o ìl̀kè. ¹³ Kè Edisee duó nkòo kóo tǎntì náké onitipòkù ke dǎ: A dǎ dè ti kpéí ndè dεumu, a dǎ ti dǎ ba a kpéí? A dǎ tí náké okpààti yoo ohǎāpǎnkótì a kpéínàà? Kòo nitipòkùu tǝhǎné ke dǎ: M bo n kǎbe cuokè kè dè n naatimu.

¹⁴ Kè Edisee náké Keasii ke dǎ: Ti né bo dǎ ba o kpéí? Kè Keasii dǎ: Ò í mǎke debire, kòo dǎu me nkóté. ¹⁵ Kè Edisee dǎ: Yúńí we! Kòo ò yúńí. Kòo cómmó o dieku bǎrì, ¹⁶ kè Edisee dǎ: Dè yàa bo nkǎáké miε nkàa ùúkú denitidabire nde.

Kòo nitipòkù dǎ: Àà okótì, Kuyie nkóo nìti a bá n soute, mí nha kóo tǎntì dǎ!

¹⁷ Mεmε kòo nitipòkùu púo nképεité denitidabire Edisee baa do ò bennénè dii mǎnnì.

Edisee fòùkùnnεmè debire

¹⁸ Kè debireε kóté. Diyiε mari kékǎté de cice nè betǎmbè bè dèi dè tidiitì. ¹⁹ Bè de mbo kè debire kuónko ke dǎ: N yuu dii yóu! N yuu dii yóu!

Kè de ciceε náké otǎntì ke dǎ: Túóté debire kékǎtenè de yǎ borè.

²⁰ Kòo dè tùóté kékǎte kédúo nde yǎ, kòo ndè ùúkú kè diyiε nyóó cónné yeyo kè dèε kú. ²¹ Kòo dè dèe nkudǎnkù kétanné Kuyie nkóo nìti dieku kédúo nho dǎu ìnkè káyènní kékpetínné, ²² káyú o dǎu ke dǎ: N duó nhotǎntì mǎu nè sǎmmarímú n dǎ kécokóo Kuyie nkóo nìti borè nde kέwεtení.

²³ Kòo ò beke ke dǎ dè dòmmε? Kàa kǎri o borè yíε? Otǎnkù pǎnwè dǎke yíε, dè me nyí tú teonǎpùtè. Kòo dǎ: Dèmarè í dǎ.

²⁴ Kòo duó nkè bèε bou o sǎmmarímú dikǎrì, kòo náké otǎntì ke dǎ: Kété! A báa cómmú kuce! Kè mǎi sàà í yǎ á cómmú.

25 Mèmmè ò kètémè kékote Kuyie nkóo nìti borè Kadimeedi tārì ñnkè. Kénkpaá díetirì kè Kuyie nkóo nìti ò yàní kénáké o kóo tǎntì Keasi ke dǎ: Sunemmu kóo nitipòkù wenwe kéríní. 26 Cokóo kóò co, kóò beke ke dǎ: Kunaatí nku bakaà? A dǎu kpeñnà? A bire kpeñnà?

Kòo nitipòkùu ò tǎnné ke dǎ: Dèmarè í dǎ. 27 Kòo nitipòkùu tuókoo Kuyie nkóo nìti borè kénínkóo kǎpí nho naàcèi, kè Keasi ndó kóò bèti. Kè ti Yiè nKuyie nkóo nìti ò nàké ke dǎ: Yóu we! Ò bo meyeñcaàrimè mieke nke. Ti Yiè nKuyie mmè nyí n nàké o yèmmè cààrènnè tì.

28 Kòo nitipòkù dǎ: Okótì n sòò da mǎumu debiraà? N sòò ti n da nàké kè n tú a bá n souté mí nha kóo tǎntì.

29 Mèmmè kè Edisee náké Keasii ke dǎ: Báátí kétúóté m pàati kékété, kàa kèrì ke conè òmǎu a báá ò dǎu. Kòò mǎu me nda dǎu nha báá yie. Kàa tuókoo a nǎo m pàati debire ñnkè.

30 Kè debire yǎ dǎ: Kuyie mbomu kàa bo, n yí yóó wǎte ke í da ñéinnè.

Mèmmè kè Edisee ò ñéinnè. 31 Kè sǎ nKeasii ò niiténè ke nǎo nkupàati debire ñnkè bá tǐmatì í dǎ. Debire í búi ndè mmè nyí nampè. Kòo wǎtení kéco Edisee kóò nàké ke dǎ: Debire í ènte.

32 Kè Edisee tuókoo, kéta o dieku ke sǎ ndebire duó o dǎu ñnkè ke ku. 33 Kòo taroo kékpetínné kè bè mbo bédé de mieke, wenwe nè debire, kòo bántè ti Yiè nKuyie. 34 Kè níi okè debire ñnkè kétúú nho nùu de kperi, o nuò nde kpèyi, ke nǎo nho nǎu de kpesi ñnkè, kénhoke debire ñnkè kè dèe wǎte kétonkè.

35 Kè Edisee cúténí kudieku kécentè, centè, kéwǎte kédeke kéoke debire ñnkè ke dǎ kuce mèyiekè kè dèe

cĩ ñkěwéntení. ³⁶ Kè Edisee yú Keasii ke dọ: Yúńí weè nitipòkù!

Kè Keasi ò yúní. Koò kotoo Edisee borè. Kè Edisee dọ: Túóté a birè.

³⁷ Kòo taroo kénínkóo Edisee ìkè késínnóó, kédeè kétúóté o birè káyè.

Edisee do nàríkùnnemè tikũnti tii

³⁸ Kè Edisee wête Kidikaadi, dè do ś ndikònni dii bo dihei. Kè Kuyie mpāānāantì náam̀bè tɔ̀bè kòtení ke bo o borè, kòo náké o kóo tǔnti ke dọ: Saa ntekũmbotè dietè kè ti b́enné tikũnti késori.

³⁹ Kè be kou mǎu yè ḱeta dikpàa mukũnwammù ḱyà dikpàa kó yeyàa mmayè bá ò í nyè banté ḱe yè tǔũ kécṹs̄ o yaà̀yà̀rì kékonnènní kéc̄o ḱeúté tekũmbotè. ⁴⁰ Bè ānné dii mǎnni kè bè bo di kè bèe sote ḱekuónko ke dọ: Kuyie nkóo nìti mukũũ mmuù ā d̄e miēke bá d̄e í dọ nkédi. ⁴¹ Kè Edisee dọ: Waānnènni muyuo. Kè bèe mù waanní. Kòo ānné tekũmbotè ke dọ: Ānnénè ḱe bè duó.

Kè bèe ānné ḱe bè duó mbá tì ténke í dọ mmèmamè.

Edisee píimè benitibè tekòutè

⁴² Diyiè mari kòo nìti mǎu yènni Baadi-Sadisa èi ke tóni ṕè̀bè bè dǎ̀nnè bè tidipànti kè bè bo sipísìdè, ke tònè tidipànti t̄eyà̀tè ḱekòtení ḱe d̄e duó nKuyie nkóo nìti Edisee kòò dọ: Totínè kè bèe di. ⁴³ Kòo kóo tǔnti dọ: M bo d̄e totí òmm̄e botí benitibè tekòutè (100)? Kè Edisee dọ: Totí be kè bèe di, tì Yiè nKuyie nni nnàkému ke tú bè yóó di kè d̄e sús.

⁴⁴ M̄em̄m̄e kòo bè totí kè bèe di ke d̄e sús nkéndònnè tì Yiè nKuyie nti nhò nàkémè.

5

Naamaa miētémè

¹ Naamaa do tú Sidii kəbe kóo ãäpònkótì nwe kè bə kóo kpààtì ò tá mediè, kə yě nè weè borè nde ti Yiè nKuyie ndo duómme kè bəe na bə dootitəbè kè weè nni fehāāpònnafe, kə né mō ntikəntì. ² Dè do sá nSidii kəbe bəe kəte kə pònte Isidayeeribe kə pīñní desapùmbire marè kə konnì kə dè duó nNaamaa pokù, kè dè ò pī mmutōmmú. ³ Diyie mari kè desapùmbiree náké Naamaa pokù kə dò: Kè n yiè ndo bo na kətuəke Sammarii Kuyie mpāānāāntì náāntò borè ò na nhò miekùnnemu.

⁴ Kè Naamaa kəte kə tì nàké okpààtì kə dò: Nte Isidayeeribe kó desapùmbire yě mmù. ⁵ Kè Sidii kóo kpààtì dò: Báátí! N yóó wārimu dipátíri Isidayeeribe kóo kpààtì kə da duó nkàa bíí ò duó.

Kè Naamaa túóté timátì péítì cìdódòbè sikəusitāāti (300) mēsə ncìdódòbè sipísikuò, tiyààtì meānnímè tepíítè, ⁶ kətuəkoo kéduó nyIsidayeeribe kóo kpààtì dipátíri kè dī tu: Mīi duónko n kóo tōntì Naamaa dipátíri kə tú á ò miekùnnə o kəntì. ⁷ Isidayeeribe kóo kpààtì kàa ndiì mōnni dipátíri kékēté o yààtì kékúónko kə dò: N tú Kuyie nku, kə nō nke kəu kə nō nke fòukùnkòà? Dè dōmmə kòò n duənni oniti kə tú nh ò miekùnnə? Banténè kə dò nhò n wantinè dikpànni ndi.

⁸ Kuyie mpāānāāntì náāntò Edisee kèè diì mōnni okpààtì kētémè o yààtì kētō nkè bəe ò nàké kə dò: Ba nkpéi nte kàa kērí a yààtì? Yóu kòo kətení m borè kébanté Kuyie mpāānāāntì náāntò bomè Isidayeeribe tenkè.

⁹ Kè Naamaa tuəkoo nè o sɛĩ nè o naasāntè kécómmóo Kuyie mpāānāaanti náaantò Edisee cĩtètè bòrì nùù. ¹⁰ Kè Edisee tōnní kè bèè ò nàké kè dò: Ò yē nha ta kukó nSuditēē kēnduò kè kuri kè dò kuce mēyiekè, a yóó miētēmu kàa kōntii wenke!

¹¹ Kè Naamaa miēkēē pēikē kòò nkérí kè kprantì kè tú: N yèmmè do dò nhò yóó yènnímu o mómmuo nkécómmú kébántè o Yìè nKuyie nke n kááké o nòutè ké m miēkūnnē. ¹² Damaasi kó ikó nhAbana nè Padipaa ì í pēētē Isidayēeribē kondakésia? Kè n do nyi ta kēwu mbáá wenkaà?

Ò mē nyi kékónténè o naasāntè nè kemiekē kè bo kò. ¹³ Kòo kó betōmbèē cokóo kóò nàké kè dò: Okótì! Kè Kuyie mpāānāaanti náaantò do nda beke dēmarè dèè yóu a na bá ndè dōdā? Ba nné te kàa báa dōò ò da nàké tì kè tú a wuo kēmiēté?

¹⁴ Mēmme kòo ta kukó nSuditēē, Edisee ò nàkémè kēnduò kè kuri, kè dò kuce mēyiekè, kòo kōntii wētē kéwenke kēnaānnè debíbēnnè kpētì, kòo wenke. ¹⁵ Dē mōnni kè Naamaa wētēni Kuyie mpāānāaanti náaantò borè wenwe nè o tūmbè, kētaroo kécómmóo Edisee ìikè kóò nàké kè dò: M bantēmu di mmōnni kè dò nkētenkè kemou miēkē Kuyie nyi bo dēmarè kè dè í tú Isidayēeribē tenkè. Mí nha kóo tōnti n da báámmu, cōuté dipānni dii.

¹⁶ Kè Edisee dò: M pàrikēmu kè tú: Tì Yìè nKuyie mbomu kè n tú ku kóo tōnti, n yí yóó cōuté dēmarè.

Kè Naamaa yetoo, kòo yete. ¹⁷ Kè Naamaa dò: Kàa yetēmu m pāre á yóu kè bè m pā a tenkè kó mutáá mmùù bo nsānnè sinaasēĩ sìdēsì kè yé mí nha kóo tōnti n ténke í yóó féútémè fēðfē kētu nyoo metaummè kpēyi dibōò marì kè dè í tú tì Yìè nKuyie nyIsidayēeribē tū nkù. ¹⁸ N né kù bèkú tì tiì tu: Kè n

kònkò, kè nh èi kóo kpààtì kàrì ke bo fié iwũṣ dibòò Dimṳṳ, kòò ò n̄inè kè n n̄ínkú dibòò Dimṳṳ ìikè ti Yìè nKuyie nhá n cīē.

¹⁹ Kè Edisee dō: Kòte kè dè nnaati. Kòò ítóo kédété sàm̀p̀.

Naamaa kó muməmmú càntémè Keasi

²⁰ Kè Edisee kóo tǎntì Keasii totí o yèmmè ke dō: N cice Edisee m̄ nyetémè Naamaa Sidii tenkè kou kó yepārè, ti Yìè nKuyie mbomu, m bo coké kóò n̄intè k̄yà ò bo m pā dèmarè. ²¹ Ò me nyī kécoké kémbeti Naamaa, kè Naamaa ò yàní kécuté m̄cāā n̄ho naasāntè ìnkè kékétóo kóò co ke dō: Kusàakù bakàà? ²² Kè Keasii dō: Dèmarè í dōmmè. N cice weè n tǎnni ke tú n da náké ke tú Kuyie mpāānāānti náam̄bè tǎbè b̄è bo ke tuǎkùnì b̄édébè ke bonní Efadaimmu tārì, kòò tu kàa bo yie nhá ò duónko timátì péitì cidóòbè sipísitāāti n̄e tiyààtì m̄ānnímè m̄édémè, kòò b̄e duó. ²³ Kè Naamaa dō: Nto timátì péitì cidóòbè sipísikuà, kényetíróo k̄e tì cūš siyàk̄esi s̄id̄esi k̄éboú kóò duónnè tiyààtì m̄ānnímè m̄édémè k̄éduó nk̄e b̄edap̄ambè b̄édéb̄e d̄e t̄o kóò ciennè. ²⁴ B̄e t̄uòke dii m̄ōnni Ofedi èi kè Keasii d̄e c̄outé dem̄ou k̄etanné t̄ecīēt̄e k̄ed̄e k̄e b̄e cau nk̄e b̄e íté.

²⁵ O móm̄muò nk̄oò k̄ote o yìè nhEdisee borè, kòò ò beke ke dō: Keasii a bonní d̄e? Kòò dō: Mí nha kóo tǎntì n yí k̄otémè dèmarè.

²⁶ Kè Edisee né ò nàké ke dō: N w̄ēnni do d̄e bomu on̄it̄i m̄ou c̄uténì d̄e tenaasāntè ke da co. A í d̄o nk̄ec̄outé di m̄m̄ōnni ndi tiyààtì, kè n né báá buón̄e a bo c̄outémè id̄it̄i k̄edonnè od̄if̄iè kó depaa nn̄e f̄inyī kp̄ere n̄e iwũṣ n̄e bet̄ōmb̄e b̄enitidaab̄e n̄e b̄enitipòb̄e. ²⁷ Naamaa kó muməmmú yóó c̄ánté f̄š nwe n̄e a yaàbíó s̄ā.

Kè Keasii ñyètì Edisee borè kè tikòntì ò pĩ nkoò kòntìi peike kénáánnè tikóntì.

6

Terĩtè domè dibinni

¹ Kuyie mpāānāàntì náam̀bè tɔ̀bè bèè bonè Edisee, kè bèè ò nàké diyie mari ke d̀: Mefiè nténke í ti sànnè a borè. ² Yóu kè tí kɔte Suditẽẽ kékõũ bá wè kudɔ́ú kédɔ́ò titouti kémbo. Kòo d̀: Kòtenè!

³ Kè be kóò m̀òu d̀: A bá nti neínè tĩnti a kó betɔ̀mbàà? Kòo d̀: Eẽ, n kərimu.

⁴ Kè bèè nɛi kétuɔke Suditẽẽ kénkõũ ideí. ⁵ Kè be kóò m̀òu nkõũ, kòo pĩtèè feuté kédoroo dibinni miẽke, kòo kuónko ke d̀: Áú yoo n yiè! Dè n dimu. M me ntè yãuténímu.

⁶ Kè Kuyie mpāānāàntì náàntòò ò beke ke d̀: Yé tè do dè?

Kòo ò benke tè do dè, kòo kéété kudɔ́ú kédootóo de borè, kè tèè nónnì. ⁷ Kòo náké de yiè nke d̀: Dèitení tẽ!

Kòo youtoo o nòutè ké tè dèitení.

Edisee d̄aum̄mè Kuyie nkè kùu b̄onté Sidii k̄abe tiyũ̀d̄nti

⁸ Sidii k̄abe kóo kpààtì nè Isidayeeribe kou kè bè mm̄ake mudòò, kè Sidii k̄abe kóo kpààtì tíi mbehããpòmbè iwẽĩ yembè ké bè nàké ke d̀: Kè di kèté dí báté diè nnè diè. ⁹ Kè Kuyie mpāānāàntì náàntò Edii náké Isidayeeribe kóo kpààtì ke d̀: Á ndake, ke báá kèté ku mpíkù Sidii k̄abe bèè kè bo.

¹⁰ Kòò nĩ ò nàké kòo dèite benitibè kètõ nhEdisee ò benné dìi bori.

Weè do ã ò nàké kòo yenté, dè í tú kuce mèmàà yoo mèdémè. ¹¹ Kè dèè di Sidii k̄abe kóo kpààtì,

kòo yú o ããpòmbè iwěĩ yembè, ké bè beke ke dò: N nákéne dì miéke wèè kòmmú Isidayeeribe kóo kpààtì! Koò náá ntì kpeti.

¹² Kòo tōmbè kóò mǎu dò: Okpààtì, tínti a kó betōmbè ti kóò mǎu dǎke, Isidayeeribe kou, Kuyie mpǎānǎantì náantò Edisee weè dáanko Isidayeeribe kóo kpààtì a náá ntì a dieku kufǎá mmieke.

¹³ Kè Sidii kǎbe kóo kpààtì dò: Kǎtenè kǎyà ò borè, kè n tǒ nkè bèè ò pǐnní.

Kè bèè ò náké ke dò: Ò bo Dotǎā nwe. ¹⁴ Kòo tǒ mbehǎãpòmbè péu nè sisěĩ nè sikipàrìnaasěĩ kè bèè tuokoo keyènkè kécětinne dihei.

¹⁵ Kè dèe wenté kè Kuyie mpǎānǎantì náantò kóo tǒntì yènní sèi kénsǎ mbehǎãpòmbè cěěte dihei nè sisěĩ nè sikipàrìnaasěĩ, kòo náké Edisee ke dò: Áú n yiè! Yé ti yóó yímè? ¹⁶ Kòo ò tǎnné ke dò: A bá nyǐkù, bèè ti bonè bè sūmu ke pǎěté bèè bè bonè.

¹⁷ Edisee me nyǐ kǎbántè ti Yiè nKuyie nke dò: Kuyie nkpeté o nuò nkòo yà.

Kè Kuyie nyǐ kpeté, kòo yà sisěĩ nè sikipàrìnaasěĩ kè dè piéké ditǎri ke bè fité kécóu mmuhǎá.

¹⁸ Sidii kǎbe tǒnní dìi mǎnni Edisee borè kòo bántè Kuyie nke dò: Ti Yiè nKuyie nfente be.

Kè Kuyie mbè fènte kéndònnè ò béímmè. ¹⁹ De mǎnni kè Edisee bè náké ke dò: Di yeté kuce nku, dè í tú dihei di dó dì, n tǔnnenè kè n dí benke onìti di wǎa nwè.

Memme ò bè kǎtenèmè Sammarii. ²⁰ Bè ta dìi mǎnni Sammarii kè Edisee bántè ti Yiè nKuyie nke dò: Ti Yiè nKuyie ntǎnné be be yèmmè.

Kè Kuyie mme mbè tḗnné, kè bè nsó mbè bo Sammarií èì.

²¹ Kè Isidayeeribe kóo kpààtì bè yà kébeke Edisee kè dò: n cice, m bè kùà? ²² Kè Edisee dò: Báá bè kùò, bè òò í nkùò bè pĩrmú bè mudoò miéke, duó mbe kè bèe di, kàa bè duó mmenie nkè bèe yà kékò mbe yiè mborè.

²³ Kòo kpààtì duó nkè bèe bénné tidiitì kè bèe di kényà kédeè kòo bè yóu kè bèe kò nSidii bə kóo kpààtì borè. Bè ténke í nwētení Isidayeeribe tenkè.

Dikònni tannímè Sammarií

²⁴ Kè Sidii kóo kpààtì Benni-Adadii tíí nho ãpòmbè bəmou kè bèe kote képi Sammarií èì, ²⁵ kè ndi pi weti weti kè dikònni dierri tanní kè bè nfiiti disāmmarinyuu medítibii nsipísidé. Kè níí benné dibuu sámpòrì yèdimásè koò mbo medítibii mmènùmmù.

²⁶ Diiyè mari kè Isidayeeribe kóo kpààtì mpēnké kuduotí ñnkè kòo nitipòkù mōu ò yà kékuónko kè dò: Áú! Okpààtì n deeté!

²⁷ Kòo kpààtì ò tḗnné kè dò: Kè ti Yiè nKuyie nyí da deeté, mii báá na ké da deeté! Tidiitì í kpaá, yetebe me nyí kpaá.

²⁸ Kòo ò beke kè dò: Ba nda kóónné?

Kòo dò: Onitipòkù yie nweè sòò yē ntí cááké m bire kè naa cááké o kperé. ²⁹ Kè ti bènné n kperé kè cááké, kè dè wenté kè n yē nwèe duónnì o kperé kè tí cááké, kòò dè sònné.

³⁰ Okpààtì tí kèè dii mōnni kékēté o yààtì kéndáátí kufòòtònkù, kè centi kuduotí ñnkè kè bèe ò yà, kòò dàátí kufòòtònkù. ³¹ Mēmme ò béimmè kè dò: Kè

diyìe yóó ta yíe nkè Safati birɛ Edisee kpaánè o yuu Kuyie nni ndòò kù dómè.

Edisee do nàkémè dikònni yóó deèmè

³² Dè do sɔ nhEdisee kàri o cɛ̀tè nte nè diheì kó bɛkótíbè. Kòo kpààtì tɔ̀nko o kóo tɔ̀nti mɔ̀u Edisee borè kòò nkpaá ke í tù̀àkoo kè Edisee nàkè diheì kó bɛkótíbè ke dò: Di yénàà? Weè nitikò̀tì weè tɔ̀nní ke tú bè n féúté. N wākénè! Kòò tù̀àkení di kpetínné dibòrì, di báá yie nkòò tanní. N yo kè dè dò nhokpààti kó kunampoo kéré́nìmu de yie nfɔ̀nkúò.

³³ Ò kpaá ke me nnáá nkòo kpààtì tuàkení o borè kébéi nke dò: Ti Yiè nKuyie nkuu te kè meyei mmie nkó dimàà ti tù̀àkení. N ténke né kù dó ba nkpeí?

7

¹ Kè Edisee dò: Kénténè kékeè ti Yiè nKuyie nni nnàké ti: Ti Yiè nKuyie ntu dè naa bo mmè nkàáké kè bè do mmuyuo ncìdòòbè tɛpíítè nè bèdébè mɛdítíbiì mmèmáà ndi diheì kó dibòrì. Kè mɛdibii ncìdòòbè sipísìdé nè bèdébè do mɛdítíbiì mmèmáà múnke.

² Kòo kpààti kóo tɔ̀nti wèè tɔu o kpà̀rìntì, kòo beke Kuyie mpāānāāntì náāntò ke dò: Bá kè ti Yiè nKuyie nkpeté yewetibòrè a mè nnàké ti bo na kédòòà? Kè Edisee dò: A yóó dè yàmu nè a nuò nha me mbáá dè di.

Sidii kɔ̀be cokémè ke yóu be āāpò̀nkari

³ Dè do sɔ mbenitìbè mabè beè mɔ ntikò̀nti bènàà, ke bo diheì kó dibòrì, kè bèe náké bemáà ke dò: Ba nte kè ti yó mbo diɛ nke yàà kúnè? ⁴ Kè ti tú ti bo ta diheì dikònni dii kè bo, kè ti me nkàri diɛ nti baa yóó kúmu. Yóunè kè ti kɔ̀te Sidii kɔ̀be kó dihāāpò̀nkari kè bè ti yóu tí nfòu, kè bè me nti kùò dè nsànnè.

5 Mēmme kè bèe íté dihuri kěntuðkoo Sidii kàbe ãāpònkari mànku ke sǒ nhòmòu í dè bo.

6 Ti Yiè nKuyie nkuù do duó nkè bèe keè kunampoo makù, kè dè ndò nsisěĩ nè sikpàrìnaasěĩ nè behāāpòmbè péu de kòku. Kè bèe náké bemáà ke dǎ: Isidayeeribe kóo kpààti weè yietí Itiibe kpààtibè nè Esibiti kàbe kè bè bo ti dokénè. ⁷ Kè bèe íté dihuri kécoké kényóu be touti nè be sěĩ nè be sāmmarímúbè kè dè mpíítí. Bè cénke do ìté kécoké máà ndi ke bo deetè be fòmmu. Bè do yóu be ãāpònkari kè dì mme ndò.

8 Mēmme kè bèe nìtibèe tuókoo be ãāpònkari mànku kéta kutouku makù kédi kényà, kété mesǎo nnè timátí péiti nè mesǎo nnè tiyààti kékote késǎnne. Bè sǎnne mēmme kēwētení kéta kutouku tekù kété bè yà dèè kó dimàà kékote késǎnne.

Sidii kàbe ítemè ke yóu Sammarii kè dikònnii yè

⁹ Benìtibè bèe me mmǎ ntikònti kè bèe náké bemáà ke dǎ: Ti dǎri dè í wenni, yíe ntu tináaṣààti kó diyie ndi, kè ti cǐékénè de kó tináaṣàti kè dè yàa wenténè Kuyie mbo ti poté. Yóunè kè ti kote ké ti nàké okpààti.

¹⁰ Mēmme bè kàtemè dihei kényú wèè bàa dibòrì kóò nàké ke dǎ: Ti kàte Sidii kàbe kó dihāāpònkari ti í yà òmòu, onìti kó kunampoo keté ke í bo, sisěĩ nè sāmmarímú deè bo ke píítí kè titouti duóo detetirè.

¹¹ Bèè bàa dibòrì kè bèe pǐěké, kè bèe ti nàké okpààti o cǐètè mieke.

¹² Kòo kpààtìi íté keyènkè kénáké behããpòmbè iwěĩ yembè ke dò: N di náámmu Sidii kòbe yému ke dò ndikònni ti bo, ke dòò ke dò mbè ité ke kòte ke sòri, kè ti bo yeroo kè bè ti pĩmmú kéta ti èi.

¹³ Kòo kpààtì tãmbè kóo mǎu dò: Sisěĩ sị kpáá diheì si mieke ti deite sinùmmù kètōnnè benitibè kè bēe kòte kényà. Bá kè sị kpáá tii tuòkení benitibè tii yóó sị tuòkení.

¹⁴ Kè bēe túóté sikipàrìnaasěĩ sịdésì nè si dèèbè bèdébè kè bè tǎ nke dò: Tūnnenè Sidii kó behããpòmbè kényà. ¹⁵ Kè bè ntũ mbe nacènà kētuokenè Suditěě tiyààtì nè tinentì Sidii kòbe cooti ke buònkò dè, kè dè nenkoo kuce. Kè bè do tǎ mbēe wētení kè ti nàké okpààtì.

¹⁶ Kè benitibēe yè kékòte kéhéi dèè bo Sidii kòbe kó dihããpònkari kénfiiti muyuo ncìdòòbè tepítè nè bèdébè mēdítibii mmēmáá. Mēdibii ncìdòòbè sipísidé nè bènàà mēdítibii mmēmáá múnke, kéndōnnè ti Yìè nKuyie ndo tì mbè nàkémè. ¹⁷ Dè do sǎ nhokpààtì duó nkòo kó ditōnni dìi tǎu o kpàrinenti kè dì kòte ke baa dibòrì ndi. Bè de ndi nàu kékua kéndōnnè Kuyie mpāānāāntì nāāntò do nàké tì okpààtì ò do kòtení dìi mōnni o borè.

¹⁸ Kòo ò nàké tì ke dò: Dè naa bo mmè nkāāké, kè bè do mmuyuo ncìdòòbè tepítè nè bèdébè mēdítibii mmēmáá ndi diheì kó dibòrì, kè mēdibii ncìdòòbè sipísidé nè bènàà do mmēdítibii mmēmáá múnke. ¹⁹ Wèè do beke Kuyie mpāānāāntì nāāntò ke dò: Bá kè ti Yìè nKuyie nkpeté yewetibòrè a mè nnàké tì bo na kédòà? Kòo ò nàké ke dò: A yóó dè yàmu nè a nuò nha me mbáá dè di. ²⁰ Tii do tuòkení kè bēe ò nàu diheì kó dibòrì borè kòo kú.

8

*Okpààti duómme kè bɛɛ tɛ́nné Sunemmu kóo ni-
tipòkù o kpere*

¹ Dimònni mari miɛkɛ kè Edisee náké Sunemmu kóo nitipòkù ò do fòùkùnnɛ wèè birɛ kɛ dò: Ítɛ fɔ́ nnè a cɛ̀tɛ kɔbɛ kékɔtɛ diheì tɛrì mari a dó dì kɛ́mbo, ti Yìè nKuyie nkuù yùní dikònni kè di kàriní diheì kɛ bo mbo kɛ dò yɛbie nyèyiekè.

² Kòo nitipòkùu dɔ̀dɔ Kuyie mpāānāānti náāntò ò nàké tì, kɛ́ítɛ wenwe nè o cɛ̀tɛ kɔbɛ, kékɔtɛ kɛ́mbo Fidisitɛ̀ɛbɛ tenkè kɛ dò yɛbie nyèyiekè. ³ Yɛbie nyèyiekè kó difɔ́nkúò kè dɛ kóò nitipòkùu konní kékɔtɛ kɛ bo yà okpààti, kóò beé nɔo cɛ̀tɛ nè o paku kpɛti.

⁴ Kɛ sɔ́ nhokpààti nàānnè Kuyie mpāānāānti náāntò Edisee kóo tɔ́nti Keasii kóò beke kɛ tú: N náké Edisee dɔ̀dɔ tii diɛtì timɔu. ⁵ Kè Keasii nhò nàā nhEdisee do fòùkùnnɛmɛ dɛbirɛ. Dɛ mōnni ndi onitipòkù ò do fòùkùnnɛ wèè birɛ ò tùòkoomè kɛ bo beé nhokpààti o cɛ̀tɛ nè o paku kpɛti. Kè Keasii dò: Okpààti nte dɛ kóo nitipòkù nè o birɛ Edisee do fòùkùnnɛ dè.

⁶ Kòo kpààtìi beke onitipòkù, kòo ò nàké dè wũòkémè. Kòo kpààtìi ò nɛ́innè tɛkpààtìicɛ̀tɛ kóo kótì kɛ dò: Kɔtɛ kɛduó nkè bɛɛ ò tɛ́nné o kpere nè bè dèitɛ dèè kó dimàà o paku miɛkɛ nè ò itémè nè yíenní.

Edisee nàkémè Asayɛdi yóó naámmè okpààti

⁷ Kè Edisee kɔtɛ Damaasi kɛ sɔ́ nSidii kóo kpààti Benni-Adadi mɔ nkè bɛɛ ò nàké kɛ dò: Kuyie mpāānāānti náāntò kàtení ti ciɛ. ⁸ Kòo kpààtìi náké Asayɛdi kɛ dò: Túótɛ yɛpā̀rɛ kékɔtɛ kɛ́yà Kuyie

mpããnáàntì náàntò kòò beé nti Yiè nKuyie nkéyà kè nsà kè m bo miété.

⁹ Kòò kàte kékpéé nDamaasi kpere demou dèè kó dimàà tu desààrè kétoú nyòyóbè sipísìnàà kékàtenè Kuyie mpããnáàntì náàntò borè kécómmó o ìkè ke dò: A kóo dapàà mBenni-Adadi Sidii kàbe kóo kpààti weè n tōnní ke tú: N da beke kè nsà kòò bo miété muməmmú ò mè mmə mmú.

¹⁰ Kè Edisee dò: Kàte kóò nàké ke tú ò yóó miété, ti Yiè nKuyie nné n nàkému ke tú ò yóó kú.

¹¹ Ò me nyí ke dò só kénwúó nfù! Kè tinənnietii yènní. ¹² Kè Asayeedi dò: Ba nte okóti kàa kuò?

Kè Edisee dò: N yà meyei nha yóó dɔɔ mēmme Isidayeeribe. A yóó cóummè be ekè iduotí fité yè, kéfié be kó bekpàritiebe ke nau ibíbénni, képuoti bepəupómpómbè. ¹³ Kè Asayeedi dò: Yé n tú wè mí nha kóo tǎnti? Mí ndeməcírè ke bo pī mmutəmmú diemú mummu? Kè Edisee dò: Ti Yiè nKuyie nti nni nnàkému ke tú: A yóó naá nSidii kàbe kóo kpààti.

¹⁴ Mēmme kè Asayeedii íté Edisee borè kékò nho kóo kpààti Benni-Adadi borè. Kòò ò beke ke dò: Edisee da nàké ɛnti? Kòò ò tēnné ke dò: Ò tu a yóó miétemu.

¹⁵ Kè dèe wenté kè Asayeedii túóté kuyààkù képəɔtè menie nkénóó nhomuənti ìkè kòò kú. Kòò cəuté tikpàti.

*Yodammu naámmè Sudaa kàbe kóo kpààti
(Wénté 2 Bekpààtibè tōmmú 21:2-20)*

¹⁶ Akabu biré Yodammu Isidayeeribe kóo kpààti kpàti benni nummurì ndi Sosafati biré Yodammu

naámmè Sudaa kàbe kóo kpààtì. ¹⁷ Ò do yóó di tikpàtì ke màke yebie nsipísitàati nè yèdéè ndi, kéntò tikpàtì kémbo Sedisadèmmu ke dò yebie nyèni, ¹⁸ kètūnne Isidayeeribe kpààtibè kó ice, Akabu cīètè kàbe do dòòmè. Ke yé ò do puokemè Akabu kóo sapàà nwe kédòò ti Yiè nKuyie nyí dó dè. ¹⁹ Bá nè mèmme ti Yiè nKuyie nyí ndó kékuo Sudaa kó kubotí ku kóo tǎnti Dafiti kpéí. Kù do béimmu ke dò: O cīètè báá paà okpààtì dimònni mari.

²⁰ Yodammu kpàtì mieke nke Edømmu kàbe yetemè Sudaa kàbe bo mbè bakémè, kéwaá mbe kóo kpààtì. ²¹ Kè Yodammuu íté nè sikipàrìnaasēi simou nè si dèèbè kékote Saii. Kè bèe íté keyènkè wenwe nè bèe baké sikipàrìnaasēi képoté Edømmu kàbe bèe do bè cēti. Kè Sudaa kàbe kó behāāpòmbè sòmbe bie coké kékūū mbe cēi. ²² Mèmme Edømmu kàbe fiètemè bémáà Sudaa kàbe nou mieke nè yíenní.

Dii mònni dimáà mieke nke, Dibunaa eì kàbe múnke yetemè Sudaa kàbe kóo kpààtì kpeti.

²³ Yodammu tǎmmú sǎmmu ò dòò dèè kó dimáà dè wàrimu Sudaa kpààtibè dǎòrìmè pátiri mieke. ²⁴ Kòo kú kè bèe ò kūnné Dafiti eì o yembè fōti. Kòo bire Aasia sǎoté o kpàtì.

*Aasia naámmè Sudaa kàbe kóo kpààtì
(Wénté 2 Bekpààtibè tǎmmú 22:1-6)*

²⁵ Akabu bire Yodammu Isidayeeribe kóo kpààtì kpàtì benni tepíítè nè didéri ndi Sudaa kàbe kóo kpààtì Yodammu bire Aasia naámmè okpààtì. ²⁶ Ò do yóó di tikpàtì ke màke yebie nsipísidé nè yèdéè ndi, kéntò tikpàtì ke dò dibenni ke bo

Sedisademmu. O yǎ yètìrì do tú Atadii Omidi Isidayeeribe kóo kpààtì kóo sapàà. ²⁷ Kè Aasia tũnne Akabu cīètè kàbe kó meborime kédòò ti Yìè nKuyie nyí dó dè, Akabu cīètè kàbe baa do dòò dè, ke yé ò do tùótémè be kóo sapàà nwe képuoke.

²⁸ Mēmme Aasia neinèmè Akabu birè Yodammu kè bèe kòte Damōti Kadaadi tempē nke bo dokénè Sidii kàbe kóo kpààtì Asayeedi, kè Sidii kàbee kòute Yodammu. ²⁹ Kòò wētení Sisedeedi ke bo taà nhomáà Sidii kàbe ò kòute yèè muo mbè kpà ndii mōnni wenwe nè Sidii kàbe kóo kpààtì Asayeedi. Ò de mbo kè Yodammu birè Aasia Sudaa kàbe kóo kpààtì kòte Sisedeedi ke bo ò dōu nwenwe nè kuy-onku.

9

Bè pīrmè Yeu tikpàti

¹ Diiyè marì kè Kuyie mpāānāāntì náāntò Edisee yú Kuyie mpāānāāntì náām̀bè tǎbè miēke odapàà mmòù kóò nàké ke dò: Báátí kètúóté tédéntè nè mekùò nké kòte Damōti Kadaadi tempē. ² Kàa tùòkoo á yà Nimmusi birè Sosafati birè Yeu, kóò yu kékenténè o kàbe, kè dí ta kudieku dimáà borè. ³ Kàa cóu nho yuu mekùò nkóò nàké ke dò: Ti Yìè nKuyie ntu ku da tǎātému kàa yó ntú Isidayeeribe kóo kpààtì, kàa dèè á yé kécoké, a báá dè ɔte.

⁴ Kè weè dapàà nkòte Damōti Kadaadi tempē, ⁵ kétuòkoo ke sǎ mbehāāpònkótibè wē nke kari dibòrì dimáà. Kòò dò: Okótì m mǎke tìmatì nti ke bo da nàké, kè Yeuu o beke ke dò: A dó káyà we ti miēke? Kòò dò: Okótì fǎ nwe n dó káyàmè.

6 Kè Yeuu ité kéta kudieku, kòo dapàà nhò còu mmekùò nho yuu kóò nàké ke dà: Tí Yìè nKuyie nyIsidayeeribe tũ nkù tu kuũ da tãáté kàa bo ntũ ku nìtìbè Isidayeeribe kóo kpààtì. 7 Fòò yóó poté Akabu a kóo kpààtì cĩètè képeite ku kó betõmbè nè ku pããnáàntì náam̀bè Sesabeeɗi kùò bè. 8 Kù tu kù yóó kuõmu Akabu cĩètè benitidaabè bemõu, tidaatì nè bèè í tú tidaatì, 9 kédàò Akabu cĩètè kù do dàòmè Nebati birè Sedoboammu kpete nè Aiya birè Basaa kpete. 10 Kè Sesabeeɗi yie, simóó siì yóó ò càáké kupaku bè tu kù Sisedeeɗi ku mieke, òmõu í yóó ò kũnné.

Ò ti nhò nàké kékpeté dicàù káyè kécoké.

¹¹ Kè Yeuu yènní behāāpàmbè tǎbè borè, kè bèè ò beke ke dǎ: Kusààkù bakàà? De kó kuwáátíkù da yē mba? Kòò bè tèǎnné ke dǎ: Di yēmu de kóo nìti botí bo na kénáké tì. ¹² Kè bèè yete ke dǎ: A sǒummu, tí náké ò yē mmù! Kè Yeu dǎ: Ò n náké ke yē mmuu mmu nè muu nke n cǒú mmekùd nke tú ti Yìè nKuyie nni ntāātè kè m bo ntú Isidayeεribε kóo kpààtì.

¹³ Bá wè kòo pánkεε túóté o yaàbòrì kédúú ndìkpààtikàrì ìnkè kè Yeuu kari, kè b̀εε éé ditātεheù k̀épĩēk̀é kε d̀ò: Yeu wὲε tu okpààtì!

Yeu fiètémè tikpàtì Yodammu borè

¹⁴ Mēmme Nimmusi bire Sosafati bire Yeu còmúmè ké bo bə nhokpààti Yodammu. Dè do s̄́ nYodammu nè Isidayeeri be beməu bè bo Daməti nwe Kadaadi temp̄́ nk̄e ba diheì, Sidii kəbe koo kpààti Asayedi kpéí, ¹⁵ k̄e Yodammu yie kəte Sisededi ké bo taà n̄ho muə mbè ò kòute yè

bè kpà ndii m̀nni wenwe nè Sidii k̀be kóo kpààti Asayedi.

De m̀nni ndi Yeu bè nàkémè ke d̀: Kè di yiemmu ke n kómmú, òm̀ù báá yè dihei kékatenè de kó tináàti Sisededi èi.

¹⁶ Ò me nyí kédeè kédeke o kparinaasántè kékate Sisededi Yodammu ma nke duó dè, kè Asia k̀te ke bo ò d̀u. ¹⁷ Wèè bàa Sisededi èi kòo m̀bo didènni ìnkè, Yeu nè o t̀nni kè bè nkéroo, kòo p̀éké ke d̀: N wúo ndit̀nni mari ndi kè d̀ kèríní, kè Yodammu d̀: T̀ nhoniti nè tesántè kòo bè co, kè bè beke k̀yà kè bè kèríní kusààkù.

¹⁸ Kòo tuokoo Yeu borè ke d̀: Okpààti tu n da beke k̀yà kàa kèrínínè kusààkù? Kè Yeu d̀: Kàa kpeti né tú ba de mieke? Wète n f̀nkúò!

Wèè bàa dihei kòo p̀éké ke d̀: Dit̀nni t̀̀koomu be borè, di me nyí wètení.

¹⁹ Kòo kpààti yíe kèt̀ ndit̀nni t̀rì kè d̀i tuokoo ke d̀: Okpààti wèè n t̀nni ke tú n da beke k̀yà kàa kéroo nè kusààkù. Kòo d̀: A kpeti nè tú ba de mieke? Wète n f̀nkúò!

²⁰ Wèè bàa dibòrì, kòo p̀éké ke d̀: Dit̀nni t̀̀kemu, di me nyí wètení. De yìè nceé ndonnè Nimmusi yaàbire Yeu k̀mu mmu. Ò f̀mmúnímu!

²¹ Kè Yodammu d̀: Pítinné sisẽ n naasántè! Kè bèe pítinné, wenwe Yodammu Isidayeeribe kóo kpààti nè Asia Sudaa k̀be kou, kè bèe k̀te kéco Yeu Naboti Sisededi kou paku mieke.

Bè k̀mè Yodammu

²² Yodammu yà d̀i m̀nni Yeu, kóo beke ke d̀: Kunaatí bakaa? Kòo ò t̀nné ke d̀: Kunaatí bo ỳme k̀mbo kàa ỳ Sesabedi bùtinné Kuyie nke feu yebokè ke d̀ori munitinònt̀mmù.

²³ Yodammu ti nkèè kénáké Aasia ke dò: Bè ti fitému! Kékónténè o kpàrìnaasāntè ke bo coké.

²⁴ Ke sò nYeu sèu nkupie nkétāũ kētā Yodammu cīncīnni, kè kupie nta kēpī nho dinni, kòo do ò kparìnaasāntè mieke. ²⁵ Kè Yeuu náké Bidikaa wèè tō o kpàrìnentì ke dò: Deitenè we, kédootóo Naboti Sisedeedi kou paku mieke! Dentení ti do tũ ndiì mǎnni o cice Akabu kè ti Yiè nKuyie nnáké tì o kpéí. ²⁶ Kù do ò náké tì ke dò: Mí ndi Yiè nKuyie n yàmù a kùòmè Naboti nè o bí, n yóó de nda fǒó nde mómmanne de kó kupaku mieke. Mí nKuyie mmũ béi! Deite we tũnké, kédootóo de kó kupaku mieke kéndōnnè ti Yiè nKuyie ndo tì béimmè.

*Bè kùòmè Okosia Sudaa kǎbe kóo kpààti
(Wénté 2 Bekpààtibè tōmmú 22:7-9)*

²⁷ Sudaa kǎbe kóo kpààti Aasia dè yà dìi mǎnni kécoké kētũnne Beti-Akǎǎ kó kuce kè Yeuu ò bēti ke dò: Poténè we! Kè bēè ò poté kóo kǎute o kpàrìnaasāntè mieke, Kuudi tenni ìnkè dìi tǎkénè Ibedeammu èi, kòo coké kékote Mekidoo èi, ò de nku, ²⁸ kòo kó betōmbèè ò tǔóté kékotenè Sedisademma kóo kũnnè o yembè fǒti Dafiti èi mieke.

²⁹ Akabu bire Yodammu kpàti benni tepítè nè òimáà mieke do nke Aasia naámè Sudaa kǎbe kóo kpààti.

Bè kùòmè Sesabeedi

³⁰ De kó difōnkúò kè Yeuu kote Sisedeedi kè Sesabeedii tì kèè kéānné còdóò kēsāri o yùti kénsiékénì o dieku kó tebòtè. ³¹ Yeu na dìi mǎnni dihei kó dibòrì kòò dò: Kusàakù bakaà? Fǒ nnè Simmidi wèè kùò o kóo kpààti di pókù nku.

³² Kè Yeuu bóúté tɛbòtè bíékè kápéi nke dò: We ntú n kou? We nni nkómmú!

Kè benìtìbè bèdébè yoo betāātii síékéní, ke tú bè fòmmu bè kè tu tɛkpààtìcīètè kó bekótíbè. ³³ Kè Yeu dò: Tentenèní we!

Kè bèè ò tɛntení, kòo donní kòo yĩ nseri kuduotí kè bèè na o ònkè nè tɛnaasāntè.

³⁴ Kè bèè pēēté kéta tɛkpààtìcīètè kédi káyà, kòo náké o kabe ke dò: Túóténè de kóo nitipòkù isake yiè nkékūnné bá nè mēmmē ò tu okpààti kóo sapàà nwe.

³⁵ Kè bèè kote ke bo ò tùóté kékūnné, kēsānté kuyukōũ nè sinaàcèi nè sinou maa. ³⁶ Kè bèè wētení ké tì náké Yeu. Kòò dò: Tì Yiè nKuyie ndo náké tì nè ku pāānāantì náantò Edii Tisibiti èi kou nùu miēke, tii dō. Ò do béimmu ke dò simō sīi yóó cááké Sesabēedi kupaku bè tu kù Sisedēedi paku ku miēke.

³⁷ Kòò naá ntikùtì Sisedēedi paku miēke, òmòu ténke keté ke báá yie nke dò Sesabēedi nwe.

10

Bè kùòmè Akabu cīètè kabe bemau

¹ Dè do sǝ nhAkabu bí ìi bo Sammarii sipísìyiekè, kè Yeuu wāri dipátiri kédúónko Sammarii kóo kùmandáà nè diheì kó bekótíbè nè Akabu bí inyi bo bèè cēi, ké bè náké ke dò: ² Dii mè mbonēmè di kóo kpààti bí, kè di yà dii mōnni di mpátiri di mākemu sisēi nè sīkpārīnaasēi nè diheì kuduotí fité di nè tikpārīnenti. ³ Dí yà di kóo kpààti bí miēke dēè mānnè tikpàti kè tì ndè pī nkè dí kpa ndi cice kpààtiyuu kpéi.

⁴ Kè bèè yà dipátiri kè kufōwaa mbè auté kè bè dò: Bekpààtibè bèdébè í na ke cōmmú o ònkè kè tii bo

naa? ⁵ Wèè baké tekpààticfètè nè dihei kó bekótibè nè kùmandàà nè Akabu bí bonè bè, kè bèe ténne Yeu dipátiri ke dò: Tí tú a kó betōmbè mbe, á ti nàké tí tí yóó tí ndò, tí í yóó waá nhokpààti mōu, dōò a dómè.

⁶ Kè Yeuu wēte kēwāri dipátiri tēri kē bè nàké ke dò: Kè di tū nni nwēnnēmu ke bo nyíe n kpēti, dè naa nkááké miē nkè di tū̀̀kení Sisedēdi nè di kóo kpààti bí yó.

Be kóo kpààti bí do bo sipísìyiekè ndi kè dihei kó bekótibè ì tò.

⁷ Bè kàa ndii mōnni dipátiri kēpīmmú be kóo kpààti bí sipísìyiekè kēfié kēānnē i yó yemóm̃m̃yákè kē yè nhò duónko Sisedēdi èi.

⁸ Kè ditōnni tuókoo kénáké Yeu ke dò: N tōnīmu okpààti bí yó. Kóo dò: Cónè ye yecúò yédéé dihei bōri kè dēe wenté. ⁹ Kè dēe wenté kóo yēnni kécóm̃m̃sō benitibè bēmōu ìkè kēbēi nke dò: Díndi me nwennimēmu kē mū̀̀ dōri ke bō n kóo kpààti Yodammu koò kùò! We nné kùò benitibè bié? ¹⁰ Banténè tū̀̀nké ke dō nti Yiè nKuyie nhō í mbéi nkè ku nū̀̀ do ketenkè. Kù do nàké tí nè ku pāānāānti náāntò Edii nū̀̀ mieke, tii dōò.

¹¹ Mēm̃m̃e ò kùomè Akabu cīfètè kōbe bèè do kpaá Sisedēdi èi mieke ke tú benitidiēbè, o cīfètè kōbe kó dimàà nè bèè tú ikuó nū̀̀bè, òmōu í nsúò nwèè tu Akabu cīfètè kou.

*Bè kùomè Sudaa tenkè kó sīkpààtibìi
(Wénté 2 Bekpààtibè tōmmú 22:8)*

¹² Kè Yeuu íte dēborè kékò nkénkōri Sammarii kékété kēmberínè Bēti-Ekēdi dinaacēnhò. ¹³ Ò dē nyà Aasia Sudaa kōbe kóo kpààti tebii kē bè beke ke dò: Di tú ōmbē? Kè bè dò: Tí tú Aasia tebii nsi ti kōri

ke bo dɔu nhokpààti Akabu bí nyi nè onitipokpààti Sesabɛɛdi kpɛyi. ¹⁴ Kòo péi nkè bèe bè pĩmú kòo bè fié Bɛti-Ekedi tɛbintɛ borè bɛmɔu.

Bè do bo bɛnìtibè sipísìnàà nè bèdébè ndi. Ò í nsùó nhòmɔù.

Yeu nè Yonnadabu bè màúémè

¹⁵ Kè Yeuu íté dɛborè kéconè Dekabu birɛ Yonnadabu kóò beke ke dò: A yèmmè n naatinè n kōmɛ da naatinèmàà? Kè Yonnadabu dò: N yèmmè da naatinèmu. Kòo dò: Kàa yèmmè n naatinèmu, youtení a nòùtè!

Kè Yonnadabuu youtoo kòo ò dèenko o kparìnaasāntè miɛke, ¹⁶ kóò nàké ke dò: Yóu kè tí nei kàa yà m mɔke tìi kōnyauti ti Yiè nKuyie nkpeí.

Mèmmɛ kè bèe nei. ¹⁷ Bè tùòke dii mǎnni Sammarii képoté Akabu cīɛtè kɔbɛ ké bè dèè, kéndonnè ti Yiè nKuyie ndo tìi nàkémè ku pāānāānti náāntò Edii kòo tìi bɛí.

Bè kùòmè dibòò Baadi yembè ke pùò mbɛ kó dibòò tou

¹⁸ Kè Yeuu tíi nyIsidayɛɛribɛ bɛmɔu ké bè nàké ke dò: Akabu do fié dibòò Baadi sánpó nwe, kè m bo di fié kè dèe pēɛtè mɛmmɛ. ¹⁹ N yúhni dibòò Baadi kó bɛpāābè bɛmɔu nè bèè kó dimàà di tū. N yóó ānné dibanni diɛrì ndi, òmɔù bá nkpa, kè wèè kpa bèe ò kùò.

Ò do dɔɔrinè mɛcìi mɛmɛ ke bo kuɔ Baadi kɔbɛ bɛmɔu. ²⁰ Kòo bɛí nke dò: Ikúnè dibòò Baadi kó muféù kó diyìè. Kè bèe ikú. ²¹ Kòo tǝ nkè bèe nàké diheì dimɔu bèè kó dimàà tū ndibòò Baadi, kè bèe kɔtɛní, bá òmɔù í nkpa. Kè bèe ta Baadi kó kudieku képiɛ nféi féi. ²² Kè Yeuu nàké wèè ni dibanni kó

ikuó ke dò: Dennení dibòò Baadi kó tiyààtì kédúó mbenìtìbè. Kòò tì dennení ké bè duó. ²³ Yeu nè Nakabu birɛ Yonnadabu kè bèɛ ta Baadi kó kudieku kénáké Baadi kòbe ke dò: Wénténè káyà kè Baadi kòbe bèè maa bo diɛ nkè ti Yiè nKuyie nkou mǎu bá ndè kòké.

²⁴ Mɛ̀m̀m̀ɛ bè tamè ke bo fié dibòò Baadi iwũṣ kétuó.

Dè do ś nYeu òo mbenìtìbè mbɛ sipísini ke bè nàké ke tú: Kè wèè yóu kòo mǎu yenté nè omáa ndi! Bè yóó we nkuó de yiè nkó difò̀tìrì. ²⁵ Bè fié dì mǎnni iwũṣ kétuó nkè Yeuu náké behǎǎpòmbè nè bèè bè bàà ke dò: Tannènní ké bè poté kékuó, di báá yóu koò mǎu yè.

Kè bèɛ ta ké bè kùó kédokóo ditowàà kéta dibòò Baadi kó kudieku dì borè, ²⁶ kéuuté kutedóu kùu dè bo kécóu, ²⁷ kèpǎnte dibòò Baadi tenkaanìtè kèpǎnte de kó dibòò tou, kédòò de borè ditápuò kè dì kpaá bo nè yíenní.

Yeuu do bakémè Isidayɛɛribɛ

²⁸ Mɛ̀m̀m̀ɛ Yeu dènnɛmè dibòò Baadi Isidayɛɛribɛ tenké miɛkɛ. ²⁹ Kè né taunnè Nebati birɛ Sedoboammuu do tanné Isidayɛɛribɛ mèè yɛi miɛkɛ. Isǎmátìnnàake ìì do bo Bɛtɛɛdi èi nè Danni kperi.

³⁰ Kè ti Yiè nKuyie nnáké Yeu ke dò: A dòò mèè kpéi nkè m̀ pɛ̀nsìrì, kàa dòò Akabu cǐtètè n do dó ké tè dǎ̀m̀ɛ, a yaàbí nè a yaàbíyúóó bo ntú bekpààtìbè.

³¹ Yeu mɛ nyí ndààtɛ ke bo tũnnɛ ti Yiè nKuyie nyIsidayɛɛribɛ tũ nkù nè o yèmmè mɛmǎu. Ò í nyóu mmɛyɛi nSedoboammuu do tanné Isidayɛɛribɛ mèè miɛkɛ.

³² Δε μὸννὶ κὲ τὶ Ὑῖ ἐνΚυῖε νκετέ κὺ βο γαατεμὲ
 Ἰσιδαγεερίβε tenkè, kéduś nkè Asayeedi bẹ poté
 kédenne be tenkè kemou mieke. ³³ Μεῖμμε βὲ
 παὰμὲ Suditēē diyìe yìenì kèè bíkè kó kutempē nnè
 Adinɔ-Adowee bakù cǎnku Kadaadi kó yehékè nè
 Basã kpɛye nè Dubenni nè Kati nè Manansee botí
 kɔbe bo yè.

³⁴ Yeu kó mēdṑrìmè tēmè ò d̀ò d̀è kó dimàà nè dikōmbù̀ ò do m̀akε dì, d̀è w̃arimu Isidayεεribε kpààtibè d̀òrìmè pátírì miεkε. ³⁵ Kòò kú k̀è b̀è ò kũnné Sammariì k̀òò birε Yoakasi s̃oté o kpàtì. ³⁶ Ò do t̃ tikpàtì kε d̀ò yεbie nsipísìdè nè ỳèni ndi kε bo Sammariì.

11

Atadii dimè tikpàtì

(Wénté 2 Bepààtìbè tōmmú 22:10-12)

¹ Aasia yɔ Atadii kɛ̀ɛ̀ dii mɔnni ɔ kumɛ kɛ́itɛ́
kécómmú κε bo kuɔ Sudaa kpààtìc̣ɛ̀tɛ̀ kɔbe bɛmɔu.

² Mēm̃m̃e Yodammu kóo sapàà nYeoseba Aasia tãũ
tùótém̃e o tãũ Aasia bir̃e Soasi ikpààtibí t̃eì b̃è do
dó kék̃uò ì mĩe kék̃ote kóò sòñne Kuyie nc̃t̃èt̃e kó
kufáá mmakù yedúò bor̃e wenwe nè o yuòrì. Bá
Atadii í nhò nint̃e kék̃uò. ³ K̃e Soasi ns̃ori ti Yìè
nKuyie nc̃t̃èt̃e mĩe k̃e d̃o yebie nỹèkuò, d̃e m̃ònnì
k̃e Atadii weè ntú okpààti Isidaỹeribe tenk̃e mĩe.

Bè pĩm̀m̀ Soasi tikpàtì

(Wénté 2 Bepààtìbè tōmmú 23:1-21)

⁴ Soasi kpàtì benni yiènnì mièkè nkè ikuó nùtì Yeoyadaa tōmmè kè bèe yúní Asii kó behāāpòmbè iwěĩ yembè nè tihāāpòntì tì bàa tekpààtìc̣fètè. Kè

bèe katení o borè ti Yiè nKuyie ncíètè. Kòo bè dònè metaummè ké bè benke okpààti birè, ⁵ ké bè nàké ke dò: Ntenè di yóó yímè: Díndi bèè bàa teomputè yie. Dí toté behāāpòmbè yetīrè yētāāti, ditīnni dii te mubàrimù teomputè yie, bè mbaa okpààti cīètè. ⁶ Kè ditīnni dèrì mbaa dibòrì bè tu di dipūū kó dibòrì, kè ditīnni tāānni mbo kuhāāpònkù kùù bàa okpààticīètè ku cīètè fōnkúò, kè di ncóú ditòbè. ⁷ Yetīrè ketiyè yèdéè yèè cuti mutōmmú teomputè yie kè yè mbaa ti Yiè nKuyie ncíètè okpààti kpéí. ⁸ Kè dí cēēte okpààti, bá wè kòò mpikú o kpàrinenti, kè wèè ta kukariku mieke di ò kùò, kè di mmurí okpààti bá kòò kòrì kùù píkù, dí nhò neínè.

⁹ Kè bèè baké benitibè tekòutè (100) kòutè kè bèe dòò ikuó niùti Yeoyada bè nàké ti, bá wè kòò tíi nho kó benitibè bèè dèètì mubàrimù teomputè yie, nè bèè cuti, kè bèe katení ikuó niùti Yeoyada borè. ¹⁰ Kè ikuó niùti duó mbehāāpòmbè bèè baké benitibè tekòutè kòutè Dafiti kó tikpàrinenti, yekpāā nnè tidòpiti dèè do bo ti Yiè nKuyie ncíètè mieke. ¹¹ Kè bè mpikú tikpàrinenti ke cómmú Kuyie ncíètè bakù youú nè kucānku, ke fité Kuyie ncíètè nè diwūstōnni. ¹² Dè mōnni kè Yeoyadaa denneni okpààti birè ké dè ìnné fesōyitòdáfè, ké dè duó nKuyie ntannò pátiri, ké dè còú mmekùò nkè bè mpīēkù ke tú: Soaasi wèè tu okpààti!

¹³ Kè Atādii keè ditīnni ùúmè kécokóo ti Yiè nKuyie ncíètè benitibè tìkú dè. ¹⁴ Ò tūòkoo kénsó nhokpààti cómmú diwūstōnni ìnkè, kéndōnnè bè ò mmakemè dè kó memantímè. Kè dihei kó bekótibè nè bèè eu siheú kè bè ò murí ke eu siheú, kè

benìtibè beməu yèmmè naati. Kè Atadii kěté o yààti kékuónko ke dò: Bè m bəmmu! Bè m bəmmu!

¹⁵ Kè ikuó nùtì Yeoyadaa náké behāāpòmbè iwěĩ yembè ke dò: Dennenè we ditĩnni miéke, kòo mǝu ò tũ ndí ò kùǝ. Ikuó nùtì do í dǝ bēè ò kùǝ ti Yiè nKuyie ncĩètè miéke.

¹⁶ Bēè ò pĩ mbè ò tùǝkenè dii mǝnni tekpaàticĩètè kó dibòrì bē tu di sisēĩ kó dibòrì ké dē nhǝ kùǝ.

¹⁷ Mēmme Yeoyada duómmè kè benìtibèe dǝúnnè ti Yiè nKuyie ndinùu ke bo ntú ku kǝbe. Dē kó difǝnkúǝ ke múnkee dǝúnnè okpaàti dinùu. ¹⁸ Kè bēè wēnnè beməu kékǝte dibǝǝ Baadi cĩètè, ké tē pǝnte, képuǝnnè yewũǝtǝrè nē sitenkaanì pǝí, kékuǝnè o bǝyie mMatāā Baadi wũǝtǝrè také. Kè ikuó nùtì Yeoyada waá mbèè yó mbaa ti Yiè nKuyie ncĩètè.

¹⁹ Kè Yeoyada tíi mbehāāpòmbè bēè baké benìtibè tekǝutè kǝutè nē diheì terì Asii kó tihāāpǝnti tii bàa okpaàti ti Yiè nKuyie ncĩètè, kóǝ yènnè dibòrì bēè bàa tekpaàticĩètè bē bàa di, kóǝ tannè tekpaàticĩètè kòo nkari dikpaàtikàrì. ²⁰ Kè benìtibè beməu bo diwèi miéke.

Bè do kùǝ dii mǝnni Atadii bá kunampoo ténke í mbo diheì miéke.

12

*Soasi do túmè Sudaa kǝbe kóo kpààti
(Wénté 2 Bekpààtibè tǝmmú 24:1-3)*

¹ Soasi do yóǝ di tikpàti ke mǝke yebie nyèyiekè ndi. ² Yeu kpàti benni diyiénni miéke nke ò do naámmè okpaàti kénǝ tikpàti ke dǝ yebie nsipísìnàà ke bo Sedisademmu. O yǝ yètìrì do tú Sibia

nwe Bεεrisebaa εì kou. ³ Kε Soasi ndɔ̃ri Kuyie ndó dε o fòmму mumɔu miεke, ke yé ikuó niùti Yeoyada do ò tiemmè mesàà. ⁴ Nε memme bè í nyóu yewũɔ̃tɔ̃rè muféù, kε benìtìbè nkpaá feu iwũɔ̃ yetà̃rè kó yewũɔ̃tɔ̃rè ìnkè, ke tuò ntihúúntì.

Soasi tũntemè Kuyie ncĩtè
(Wénté 2 Bekpààtìbè tōmmú 24:4-14)

⁵ Diyìè marì kε Soasii náké ikuó niùti Yeoyada ke dò: Idíítí ìi tu Kuyie nkpeyi, kε benìtìbè ì touní Kuyie ncĩtè nè bè bèkú ì bá wè yuu ìnkè nè yepārè. ⁶ Di níí ì cɔuté ikuó niùti bá wè ò yé bèè nìtìbè, kε dí túóté de kó idíítí kètũntenè Kuyie ncĩtè dèè càke.

⁷ Soasi do bo o kpàti benni sipísidé nè ditããnnì ndi, bá ikuó niùbè mu nyí tũntε Kuyie ncĩtè. ⁸ Mεnìme kε Soasii yú ikuó niùti Yeoyada nè ikuó niùbè tɔbè ké bè beke ke dò: Ba nkprí nte kε di í tũntε Kuyie ncĩtè? Di tũ mbá nsaké ke cɔú idíítí benìtìbè borè. Di níí ì duó nKuyie ncĩtè tũntimù kpéí.

⁹ Kε ikuó niùbèe yie nhò béi ntì bá bè ténke í ncɔú idíítí benìtìbè borè. Bε ténke í nte ti Yiè nKuyie ncĩtè kó mutũntimù.

¹⁰ Kε ikuó niùti Yeoyada waá ntetɔute ké tε dùùtε tε pòkù ké tε Ìnné a bo ntatoomè Kuyie ncĩtè kubakù you diwũɔ̃tɔ̃nnì také. Bèè bàà ti Yiè nKuyie ncĩtè kε bè ncɔú Kuyie ncĩtè kó idíítí ke àà tε miεke.

¹¹ Kε bè sɔ nyì sũũ nhokpààti kóo pátíwãàti nè ikuó niùti diewè bèe kɔtε ké ì kàa, ¹² kε bè kàa nke dèè bèè ì duó mbèè ni mumarimù nè bèè yóó pĩ ndε kó mutōmmú, kε bèe yietí bedabeesũbè nè betōmbè,

¹³ nè bɛmaribè nè betácièbè, kè bèe doónnè ideí nè yetáokùyè bè yóó dàònnè yè ti Yiè nKuyie ncǐètè. Dèè kó dimàà dò nkétũntɛ ti Yiè nKuyie ncǐètè miɛkɛ.

¹⁴ Bè mɛ nyí ndòònnè ti Yiè nKuyie ncǐètè kó tinɛnti timátì péítì yoo mɛsɔɔ. Yɛbo nè yɛsɛ, nè yɛbo bè yó mméínè yè mɛyĩ nnè siheú. Kunɛnkù tekù makù do í dàònnè timátì péítì yoo mɛsɔɔ mbè cuó dè Kuyie ncǐètè kpéí. ¹⁵ Bè do ɔɔ duó ndɛ kó idiítì bèè ni bèmbɛ mumarimù, kè bèe ì tùóté kètũntɛnè Kuyie ncǐètè. ¹⁶ Bè duó mbè dɛ kó idiítì kè bè bo nyietì betɔmbè. Bè do ɔɔ í mbeke bɛ kóò mɔ̀u kɛ dà wèe náké ò pĩnnè mèè botí idiítì mutɔmmú. Kɛ yé bè do ì pĩnnèmè kè dè wennimu mɛsàà.

¹⁷ Bè duó nyí mɛyɛi ncǐém̃mè kpéí nnè mɛyɛi nhũtímù kpéí, bè do í ì duó nKuyie ncǐètè tũntimù kpéí, ì do tú ikuó niùbè kpɛyi nyí.

*Soasi kó tikpàti kó kumàнку
(Wénté 2 Bekpààtìbè tɔmmú 24:23-27)*

¹⁸ Dɛ kó dimònnì ndi Asayɛɛdi Sidii kóo kpààti domè Kati kɔbɛ mudoò ké bè na, kɛmbaati kɛ bo do Sedisadɛmmu. ¹⁹ Kè Soasi Sudaa kɔbɛ kóo kpààtì tùóté dèè tu Kuyie nkɛɛɛ. O yɛmbè Sosafati nè Yodammu nè Aasia Sudaa kpààtìbè do cǎnné dè Kuyie nkɛí nnè o móm̃muo nhò do cǎnné dè, nè mɛsɔɔ mmèè kó dimàà do bo Kuyie ncǐètè kó ditɔu miɛkɛ, ké dè duónko Sidii kóo kpààti Asayɛɛdii, kòo yóu Sedisadɛmmu kéíté ò tɛnkɛ í mbè do mudoò.

²⁰ Soasi dàòrìmè sɔmmɛ ò dàò dèè kó dimàà dè wàrimu Sudaa kpààtìbè dàòrìmè pátìrí miɛkɛ. ²¹ Kòo kó betũmbèe yetɛ o kɛti kédake kɛ bo ò bɔ. Mɛm̃mɛ kòo nkɔri Sida èi kè bèe ò poté Bɛti-Midoo borè.

²² Simmea birɛ Sosakaa nè Somɛɛ birɛ Sosabati bɛɛ do ò pòtɛ kékua, kɛ bɛɛ ò kũnné o yembɛ fɛ̃ti Dafiti èi. Kòo birɛ Amasia sɔɔtɛ o kpàtì.

13

Yoakasi naámmè Isidayɛɛribɛ kóo kpàtì

¹ Aasia birɛ Soasi Sudaa kɔbɛ kóo kpàtì kpàtì benni sipísidɛ nè ditãánnì ndi Yeu birɛ Yoakasi naámmè Isidayɛɛribɛ kóo kpàtì, kɛntɔ tikpàtì kɛ dò yɛbie ntɛpíítɛ nè yèyiekɛ kɛ bo Sammarii. ² Kòo ndɔɔri ti Yiè nKuyie nyí dó dɛ kɛtũnnɛ Nɛbati birɛ Sedoboammu borimɛ, ò do tanné Isidayɛɛribɛ mɛɛ miɛkɛ, ò í mmè yóu. ³ Mɛnɛmɛ ti Yiè nKuyie mmiɛkɛ bɛ yɛmɛ kɛ kùu bɛ tanné Asayɛɛdi Sidii kɔbɛ kóo kpàtì nè o birɛ Bɛnni-Adadi bɛ nɔu miɛkɛ bɛ fòmму mumɔu.

⁴ Dɛ kó difɔ̃nkúò kɛ Yoakasii bántɛ ti Yiè nKuyie nkɛ kùu yie nkébónkũnnɛ ku miɛkɛ kɛ yɛ kù do yàmɛ Sidii kɔbɛ kóo kpàtì bɛ fɛ̃ũnkomɛ. ⁵ Kɛ ti Yiè nKuyie mbɛ duó nwèè bo bɛ fiɛtɛ Sidii kóo kpàtì nɔu miɛkɛ kɛ Isidayɛɛribɛ sɔɔtɛ kénhã bɛ touti miɛkɛ bɛ baa ò ndòmmɛ. ⁶ Bɛ mɛ nyi nyóu mɛyɛi nSedoboammu do tanné Isidayɛɛribɛ mɛɛ miɛkɛ. Kɛ kutedɔú Akabu do fíi nkù nkpaá fíí kú Sammarii èi miɛkɛ.

⁷ Yoakasi do kpaánɛ besãndèèbɛ sipísìnùmmù ndi, sikipàrìnaasɛ̃i tɛpíítɛ, bɛhããpòmbɛ tɛkɔupííítɛ (10000) Sidii kóo kpàtì wɛɛ do bɛ na kɛ bɛ autɛ kɛ mbɛ nàu mutãá nkɔmɛ.

⁸ Yoakasi dɔ̀òrìmɛ sɔmmɛ ò dòò dɛɛ kó dimàà, nè dikɔ̀mbùò ò do mɔkɛ dì dɛ wàrimu Isidayɛɛribɛ kpààtibè dɔ̀òrìmɛ pátíri miɛkɛ. ⁹ Kòo kú kɛ bɛɛ ò

kūnné Sammarii o yembè fōti, kòo biré Soasi sɔtɛ o kpàtì.

Soasi naámmè Isidayeeribè kóo kpàtì

¹⁰ Sudaa kɔbe kóo kpàtì Soasi kpàtì benni sipísitããti nè diyiénni ndi Yoakasi biré Soasi naámmè Isidayeeribè kóo kpàtì kéntɔ tikpàtì kɛ dɔ yebie ntɛpiítè nè yèkuɔ kɛ bo Sammarii, ¹¹ kédɔɔ ti Yiè nKuyie nyí dɔ dɛ, ò í nyóu meyei nNɛbati biré Sedoboammu do tanné Isidayeeribè mɛɛ miɛkɛ, kɛ mmɛ sɔké.

¹² Soasi dɔ̀̀rìmmè sɔmmɛ ò dɔ̀̀ dɛɛ kó dimàà, nè dikɔ̀̀mbùò ò do mɔkɛ di nè ò do dokénɛ mɛɛ botí Sudaa kɔbe kóo kpàtì Amasia dɛ wārimu Isidayeeribè kpààtibè dɔ̀̀rìmmè pátiri miɛkɛ. ¹³ Kòo kú kɛ bèɛ ò kūnné Sammarii Isidayeeribè kpààtibè fōti. Kɛ Sedoboammuu cɔtɛ tikpàtì.

Edisee kumè

¹⁴ Kɛ Edisee muɔkɛ kédúúnnè mukũũ nkɛ Soasi Isidayeeribè kóo kpàtì kɔto o borè kénkuɔ nkɛ tú: Áú n cice! Áú n cice! Isidayeeribè kparisɛí nè si dèèbè tu fɔ̀ nwe.

¹⁵ Kɛ Edisee ò nàkɛ kɛ dɔ: Kɔtɛ kéwaanní mutāmmù nè ipie.

Kòo kɔtɛ kɛ dɛ waanní. ¹⁶ Kɛ Edisee dɔ: Sɛu nkupie nkòo kù sɛu. Kɛ Edisee nɔ́o nɔu o kpɛsi ĩnkɛ, ¹⁷ kóo nàkɛ kɛ dɔ: Kpɛtɛ tɛbòtɛ diyie yìèní kɛ̀ bíkɛ.

Kòo tɛ kpɛtɛ. Kɛ Edisee dɔ: Tãũ!

Kòo tãũ. Kɛ Edisee dɔ: Kupie nkuu nkuu bɛnkú ti Yiè nKuyie nyóó dúómmè kàa na Sidii kɔbe kɛ bè potɛ Afeki kékuɔ bɛmɔu páíí.

¹⁸ Kɛ Edisee deɛ kɛ dɔ: Tùótɛ a pie!

Kòo ì tùótɛ. Kòo dɔ: Potɛ kɛtenkɛ!

Kòo kè poté ke dò kuce mètããti kényóu. ¹⁹ Kè Kuyie mpããnaãnti náãntò Edisee miẽkẽ ọ pẽikẽ. Kòò dò: A na nkè poté kuce mènùmmù ndi yoo mèkuò. A na nnamu Sidii kòbe ké bè kùò kédeè páíí. Di mmònni a né yóó bè na kuce mètããti máà ndi.

²⁰ Kè Edisee kú kè bèè ọ kũnné. Dè do sǝ mMɔabu kòbe bèè do ǝ dǝtè bá diì benni ké bè do mu-dò kéfẽkẽ be kpẽrẽ. ²¹ Kè bèmabèè tǝ ocìi kékɔtẽ ke bo kũnné, kè bèè bè yàní kédootóo ocìi Edisee fǝti miẽkẽ. Kòo cìi kàáké Edisee kũǝ kényánté kéké kécómmù.

Isidayẽribẽ namè Asayẽedi

²² Isidayẽribẽ kóo kpààti Yoakasi kpàti timou miẽkẽ kè Asayẽedi Sidii kóo kpààti mbè fǝũnko mɛdiè. ²³ Kè ti Yìè nKuyie mme mbè kuó mmesémmè ké bè dòò mɛsàà nkéwǝtɛnì be bíékè mɛtaummè kù do dòònmè be yembè Abarammu nè Isaki nè Sakɔbu mɛ kpéí. Kù í ndó ké bè dèè, kù mu ndo í bè dootóo.

²⁴ Kè Sidii kòbe kóo kpààti Asayẽedii kú kòo kóo dapàà mBenni-Adadi sǝtè o kpàti. ²⁵ Mɛnmɛ Yoakasi birẽ Soasii wɛtẽ kécúútɛmè Asayẽedi birẽ Benni-Adadi borè yɛhɛkè Asayẽedi do bè pòntɛ kékẽkẽ yè o cice Yoakasi borè, kè Soasii wɛtẽ ké bè na kuce mètããti kécúutè Isidayẽribẽ ɛkè.

14

Amasia naámmè Sudaa kòbe kóo kpààti
(Wénté 2 Bekpààtibè tǝmmù 25:1-4, 11-12, 17-28.
26:1-2)

¹ Isidayeeribè kóo kpààtì Yoakasi birè Soasi kpàtì benni dèrì mièkè nkè Soasi birè Amasia naámmè Sudaa kòbè kóo kpààtì. ² Ò do yóó dì tikpàtì kè màkè yebie nsipísidé nè yènnùmmù ndi, kéntò tikpàtì kè dò yebie nsipísidé nè yèwèi kè bo Sedisadèmmu. Kòo yǝ yètìrì tu Yeoyadanni Sedisadèmmu èi kou. ³ Kòo ndòòrì ti Yiè nKuyie ndó dè, ò né í ntùòkè o yààrì Dafiti, ò do tũ nho cice Soasi borimè mmè weti weti. ⁴ Kè yebòwũòtòrè né nkpaá bo kè benitibè nfeu iwũò kè tuò ntihúúntì yè ìnkè.

⁵ O kpàtì fiíkú dìi mǎnnì kédeè kòo kuò bekperibè bèè do kùò o cice wèè do tú bè kóo kpààtì. ⁶ Ò mè nyí nkùò bèè do kùò o cice bè bí, kéndònnè tì wàrimè ti Yiè nKuyie nkuò pátìrì Mǎyiisi wàrì dì mièkè. Kuyie ndo béimmu di mièkè kè dò: Bè báá kuò debirè cice debirè yèi nkpeí, bè mè mbáá kuò debirè de cice yèi nkpeí. Bá wè ò dò nkékú o yèi nkpeí nkè. ⁷ Weè Amasia do potè Edómmu kòbè kubiriku bè tu kù kukókébiriku ku mièkè, kékuò benitibè tekupípíítè (10000). Mudoò tēmù mamù mièkè kòo fietè Sedaa èi ké dì yu kè dò: Yoketedi, kè de kó diyètìrì kpaá bo nè yíenní.

⁸ Mèmmè Amasia tǎmmè kè bèè náké Isidayeeribè kóo kpààtì Yoakasi birè Soasi Yeu yaàbirè kè dò: Amasia tu a kǎtoo kè dí yááké ditòbè. ⁹ Kè Sudaa kòbè kóo kpààtì Soasii bè tǎnnè kè dò: Ditàrì Dimaa kó tipotì tii do nàké diyèè marì Dimaa kó detedierè kè dò dèè tì duò nde kóo sapàà nkè tii puó nti kóo dapàà. Kè mupĩmpĩmmùu yènní Dimaa ké tì na kéũtiroo. ¹⁰ Ò búi mmemme kédeè kè dò: N yému a namè Edómmu kòbè mbè kè dèè kó tefentè da bo. Né

mbo a cīētè ke sánti amáà, báá dánté mudoò mùù yóó da dọọ meyei nkénte kè bè da na fí nnè Sudaa kọbe bẹmọu.

¹¹ Amasia me nyí nyie. De mọnni kè Isidayeeribe kóo kpààtì Soasi báátí kè bẹe yááké betóbè Beti-Semesi Sudaa kọbe tenkè mieke. ¹² Kè Isidayeeribe na Sudaa kọbe, ke bẹe cíété kékūũ mbẹ cēí. ¹³ Kè Isidayeeribe pĩ nSoasi bire Amasia Aasia yaábire Sudaa kọbe kóo kpààtì. Bè do ò pĩ mBeti-Semesi nwe kóo kònnè o cie Sedisademmu, kẹponte Sedisademmu èi kó kuduotí, ku okùmè bo ntùòke mètiri sikousidé (200), kétúóté Efadaimmu kó dibòrì kénto kétuòkenè kuduotí kéntimè kó dibòrì. ¹⁴ Kè bẹe túóté ti Yiè nKuyie ncīētè kó meso mmemọu nè timátì péitì nè tinenti tii kó dimàà bo te mieke nè dèè bo tekpààtīcīētè, kétúóténè bè pĩnmú bè mudoò mieke kẹwēte kékònnè Sammarii.

¹⁵ Soasi kó medòrìmè sòmme ò dọọ dèè kó dimàà, nè dikōmbùò ò do mọke di nè ò dokénè mēè botí Amasia Sudaa kọbe kóo kpààtì, dè wàrimu Isidayeeribe kpààtìbè dòrìmè pátiri mieke. ¹⁶ Kòo kú kè bẹe ò kūnnè Sammarii Isidayeeribe kpààtìbè fōti. Kòo bire Sedoboammuu sọtè o kpàtì.

¹⁷ Isidayeeribe kóo kpààtì Yoakasi bire Soasi ku dii mọnni kédeè kè Sudaa kọbe kóo kpààtì Soasi bire Amasia nkpaá fòumu ke dọ yebie ntepítè nè yènnùmmù. ¹⁸ Amasia dòrìmè sòmme wàrimu Sudaa kpààtìbè dòrìmè pátiri mieke.

¹⁹ Kè bẹe dake ke bo ò bọ nkóò pi Sedisademmu, kòo coké kékote Dakiisi kè bẹe tōnko benitibè kè bẹe kè nhò kùò. ²⁰ Kè bẹe ò tùóténè sisēí kékonnènni

Sedisadεmmu, kóò kũnné o yembè fōti Dafiti εì miεke. ²¹ Kè Sudaa kabεε túóté Asadia kéduó nkòo sɔɔté o cice kpàti, dè do sɔ nhò m̀ake yεbie ntepítè nè yèkuò ndi. ²² Weè do wète kémaá Edati εì ké dì tènné Sudaa kabε o cice kũũ nkó difōnkúò.

Sedoboammu naámmè Isidayεeribe kóo kpààti

²³ Sudaa kabε kóo kpààti Soasi birε Amasia kpàti benni tepítè nè dinummurì ndi Soasi birε Sedoboammu naámmè Isidayεeribe kóo kpààti kénto tikpàti ke dò yεbie nsipísìnàà nè òmáà ke bo Sammarii, ²⁴ kédòò ti Yiè nKuyie nyí dɔ dè, ò í nyóu mεyεi nNεbati birε Sedoboammu do tanné Isidayεeribe m̀εε miεke. ²⁵ Weè do wète kécɔuté Isidayεeribe tenkè kétúóté Amati kénto kétuakεnè Adaba. Kéndònné ti Yiè nKuyie nyIsidayεeribe tũ nkù do tì nàkémè nè ku pããnáàntì náàntò Amitaii birε Sonaasi Kati-Efεε εì kou nùu miεke. ²⁶ Ti Yiè nKuyie ndo yà Isidayεeribe yo mm̀εε sémmè dεummè mmε. Onìti ténke do í kpaá bá omáà Isidayεeribe tenkè wèè bo bè teennè. ²⁷ Ti Yiè nKuyie ndo í dɔ Isidayεeribe bo kúmè kédeè kè bε yètirìi kpánné ketenkè ìnkè, dεè do te kè kùu duó nkè Soasi birε Sedoboammuu bè dεeté.

²⁸ Sedoboammu dɔ̀r̀imè sɔmmε ò d̀ò d̀è kó òmáà, nè dikòmbùò ò do m̀ake dì nè ò doké m̀εε botí ke wète ke fiète Damaasi nè Amati ekε ke yè tènné Isidayεeribe, dè wàrimu Isidayεeribe kpààtìbè dɔ̀r̀imè pátìri miεke. ²⁹ Kòo kú kè bèε ò kũnné Sammarii Isidayεeribe kpààtìbè fōti, kòo birε Sakarii sɔɔté o kpàti.

15

*Asadia naámmè Sudaa kɔbɛ kóo kpààtì
(Wénté 2 Bekpààtibè tōmmú 26:3-4, 21-23)*

¹ Isidayɛɛribɛ kóo kpààtì Sedoboammu kpàtì benni sipísidé nè diyiénnì miɛkɛ nkɛ Amasia birɛ Asadia naámmè Sudaa kɔbɛ kóo kpààtì. ² Ò do yóó di tikpàtì kɛ mɔkɛ yɛbie ntɛpíítè nè yèkuò ndi kéntɔ tikpàtì kɛ dà yɛbie nsipísìnùmmù nè yèdédé kɛ bo Sedisadɛmmu. O yɔ yètìrì do tú: Yekodiyauu nwe Sedisadɛmmu èi kou. ³ Kòo ndɔɔrì ti Yiè nKuyie ndó dè o cice Amasia do dɔ̀̀rìmè. ⁴ Kè yètòrè né nkpaá bo kè benìtibè feu iwũɔ kɛ tuò ntihúúnti yɛ ìnkè.

⁵ Kè ti Yiè nKuyie nhò poté kòo muɔkɛ tikànti kè bèɛ ò cànné kòo mbo omáà borè kòo birɛ Yotammu weè mbaké tɛkpààtìc̣fètè kɛ ni benìtibè, kòo mme ndò nkɛ yàa kúnè.

⁶ Asadia dɔ̀̀rìmè sɔmmɛ ò dɔ̀̀ dèè kó dimàà dè wàrimu Sudaa kpààtibè dɔ̀̀rìmè pátìrì miɛkɛ. ⁷ Kòo kú kè bèɛ ò kũnné o yembè fãti Dafiti èi miɛkɛ. Kòo birɛ Yotammuu sɔ̀tɛ tikpàtì.

Sakarìi naámmè Isidayɛɛribɛ kóo kpààtì

⁸ Sudaa kɔbɛ kóo kpààtì Asadia kpàtì benni sipísitàãti nè diniínnì miɛkɛ nkɛ Sedoboammu birɛ Sakarìi naámmè Isidayɛɛribɛ kóo kpààtì kéntɔ tikpàtì kɛ dà betããbè bèkuò kɛ bo Sammarìi. ⁹ Kòo ndɔɔrì ti Yiè nKuyie nyí dó dè o yembè do dɔ̀̀rìmè, ò í nyóu mɛyɛi nNɛbati birɛ Sedoboammu do tanné Isidayɛɛribɛ mɛè miɛkɛ. ¹⁰ Kè Yabesi birɛ Sadummuu cómmú kɛ bo ò bɔ. Mɛ̀mme kóo ò poté Ibedeammu èi kékuò, kéfietɛ tikpàtì.

¹¹ Sakarii kó tináaàntì sònti wàrimu Isidayeeribe kpààtibè dɔ̀rìnmè pátíri mieke.

¹² Ti Yiè nKuyie ndo nàké tì nti Yeu ke dò: A yaàbí nè a yaàbíyúó bo nkàrì Isidayeeribe kpààtikàrì ìnkè.

Sadummu naámmè Isidayeeribe kóo kpààtì

¹³ Sudaa kɔ̀be kóo kpààtì Osiasi kpàtì benni sipísitàāti nè diweínnì mieke nke Yabesi bire Sadummu naámmè Isidayeeribe kóo kpààtì kété tikpàtì ke dò otànkù òmáa ke bo Sammarii.

¹⁴ Mèmmè Kadi bire Mennaemmu itémè Tidisaa kékɔ̀te kéta Sammarii képoté okpààtì kékuo kéfietè tikpàtì.

¹⁵ Sadummu kó tináaàntì sònti ò bɔ̀ mmèè boti okpààtì dè wàrimu Isidayeeribe kpààtibè dɔ̀rìnmè pátíri mieke.

¹⁶ Mèmmè Mennaemmu domè Tapua èi képoté bèè kó dimáa bo di mieke nè di tempè nyimou kɔ̀be kétaunnè Tifisa képuotí bɛ̀pɔ̀upómpómbè bèè kó dimáa dè bo. Dè kó dihéi kɔ̀be íyiemme koò kpeté yebòrè.

Mennaemmu naámmè Isidayeeribe kóo kpààtì

¹⁷ Sudaa kɔ̀be kóo kpààtì Asadia kpàtì benni sipísitàāti nè diweínnì mieke nke Kadi bire Mennaemmu naámmè Isidayeeribe kóo kpààtì kéntɔ̀ tikpàtì ke dò yebie ntɛ̀píítè ke bo Sammarii.

¹⁸ Kòo dɔ̀dò ti Yiè nKuyie nyí dɔ̀ dè, ò í nyóu mɛ̀yɛi Nɛ̀bati bire nSedoboammu do tanné Isidayeeribe mɛ̀è mieke.

¹⁹ Weè kó dimònnì ndi Asidii kóo kpààtì Pudi bè domè kè Mennaemmuu ò duó ntímátì péitì tónnì sipísitàāti kòò bo ò teennè kékpénkùnnè o kpàtì. ²⁰ Mennaemmu do cuó dè kó timátì péitì

Isidayeeribe kó bekotibaabè borè nde bá wè yuu ñnkè medítíbii nsipísìnùmmù ké dè wènné kéduó nhAsidii kóo kpààtì kòo bè yóu kéwēte.

²¹ Mennaemmu dòòrìmè sòmmè ò dòò dèè kó dimàà dè wàrimu Isidayeeribe kpààtìbè dòòrìmè pátíri miéke. ²² Kè Mennaemmuu ku, kòo biré Pekayaa sòoté o kpàtì.

Pekayaa naámmè Isidayeeribe kóo kpààtì

²³ Sudaa kóo kpààtì Asadia kpàtì benni sipísìnùmmù kperi miéke nke Mennaemmu biré Pekayaa naámmè Isidayeeribe kóo kpààtì kéntò tikpàtì ke dà yebie nyèdèé ke bo Sammarii. ²⁴ Kòo dɔɔ ti Yiè nKuyie nyí dɔ dè ò í nyóu meyei nNebati biré Sedoboammu do tanné Isidayeeribe mèè miéke. ²⁵ Mèmmè Demadia biré Pekaa wèè tɔu o kpàrinentì, kòo cómmú ke bo ò bɔ, kòo mbo Sammarii tekpààtìcīètè kó kudieku makù, kòo ò poté kékuɔ, kékuɔnè Adikɔbu nè Adiyee, kénèinè Kadaadi èi kɔbe sipísìnùmmù, ò me nhò kùɔ kéfietè tikpàtì.

²⁶ Pekayaa borimè sòmmè wàrimu Isidayeeribe kpààtìbè dòòrìmè pátíri miéke.

Pekaa naámmè Isidayeeribe kóo kpààtì

²⁷ Sudaa kɔbe kóo kpààtì Asadia kpàtì benni sipísìnùmmù nè didérinnì miéke nke Demadia biré, Pekaa naámmè Isidayeeribe kóo kpààtì kéntò tikpàtì ke dà yebie nsipísìdè ke bo Sammarii. ²⁸ Kòo dɔɔ ti Yiè nKuyie nyí dɔ dè, ò í nyóu meyei Nebati biré Sedoboammu do tanné Isidayeeribe mèè miéke.

²⁹ Isidayeeribe kóo kpààtì Pekaa kpàtì miéke nke Tekadati-Fadasaa Asidii kóo kpààtì bè domè kéfietè

Nefutadii tenkè kemou: Iyṣṣ nē Abēdi-Beti-Maaka nē Yanna nē Kedesi nē Asṣ nē yehēkè diēyē Kadaadi nē Kadidee, kēpīmmú benitibè kékōnnē Asidii. ³⁰ Kē Edaa birē Osee cómmú kē bo bō nDemadia birē Pekaa kóò poté kékuṣ, kēfietē tikpàtì.

³¹ Pekaa dṣòrìmè sṣmmē ò dṣò dèè kó dimàà dè wārimu Isidayēeribē kpààtìbè dṣòrìmè pátìri miēkē.

*Yotammu naámmè Sudaa kṣbē kóo kpààtì
(Wénté 2 Bekpààtìbè tōmmú 27:1-3,7-9)*

³² Isidayēeribē kpààtì Demadia kpàtì benni dēri miēkē nke Osiasi birē Yotammu naámmè Sudaa kṣbē kóo kpààtì. ³³ Ò do yóó di tikpàtì kē mṣkē yēbie nsipísidé nē yènùmmù ndi, kéntṣ tikpàtì kē dṣ yēbie ntēpíítè nē yēkuṣ kē bo Sedisadēmmu. O yṣ do tú Sadṣki kóo sapàà nwe kṣo yètìrì tu Yedusaa. ³⁴ Kṣo dṣò ti Yiè nKuyie ndó dè, ò do tūnnē o cice Osiasi borimē mmē weti weti. ³⁵ Kē yetṣrè né nkpaá bo, kē benitibè feu iwṣṣ kē tuṣ ntihúúntì yē borè.

Weè do keutē ti Yiè nKuyie ncīètē kó dibòrì bē tu dī Dibòrì diērì.

³⁶ Yotammu dṣòrìmè sṣmmē, ò dṣò dèè kó dimàà, dè wārimu Isidayēeribē kpààtìbè dṣòrìmè pátìri miēkē. ³⁷ Dē kó yēmòrè miēkē nke ti Yiè nKuyie nduṣmmè kē Sidii kóo kpààtì Desinni nē Demadia birē Pekaa Isidayēeribē kóo kpààtì kē bē bo dokénē Sudaa kṣbē. ³⁸ Kē Yotammuu kú kē bēè ò kūnnē o yēmbè fāti Dafiti èi miēkē. Kṣo birē Aasii sṣotē o kpàtì.

16

*Aasi naámmè Sudaa kṣbē kóo kpààtì
(Wénté 2 Bekpààtìbè tōmmú 28:1-27)*

¹ Demadia bire Pekaa kpàtì benni tepítè nè diyiénni mieke nke Yotammu bire Aasi naámmè Sudaa kàbe kóo kpàtì. ² Aasi do yóó di tikpàtì ke màke yebie nsipísìdé ndi kéntò tikpàtì ke dò yebie ntepiítè nè yèkuò ke bo Sedisadèmmu, bá ò í ndòori ti Yiè nKuyie ndó dè, ò í ntūnne o yààrì Dafiti kó meborime. ³ Ò do tūnne Isidayeeribe kpààtibè borime mme kéféúténè ketíke o bire kétuò, ibotí ti Yiè nKuyie ndo bèti ì ké bè kànnne, ì do dòori ìì sàke botí. ⁴ Kòo nkòu iwũò ke tuò ntihúúntì yetārè ìnkè nè detie nyò.

⁵ Mèmmè Sidii kóo kpàtì Desinni nè Demadia bire Pekaa Isidayeeribe kóo kpàtì bè domè Sedisadèmmu èi ké dì pì, bè me nyí ndi na. ⁶ Dii mònni dimáà mieke nke Sidii kóo kpàtì tèínémè Edèmmu kàbe be èi Edaa, kébeti Sudaa kàbe di mieke, kè Edèmmu kàbee dì ta ke bo nè yíenní.

⁷ De mònni kè Aasii tō nkè bèe náké Asidii kóo kpàtì Tekadati-Fadasaa ke dò Sidii kóo kpàtì nè Isidayeeribe kou bèè do mí nha bire, a kóo tōntì, kè n tu á kòtení ké n deetè. ⁸ Ò me nyí kétúóté timátì péitì nè mesò nnè dèè bo ti Yiè nKuyie ncíètè kó ditou mieke nè dèè bo tekpààtìcìètè mieke kéduónko Asidii kóo kpàtì ke dò wè ò pāmu. ⁹ Kè Asidii kóo kpàtì yie nkékte kédo Damaasi èi ké dì pònte képĩmmú di nìtibè kékònnè Kiidi, kékuò okpàtì Desinni.

¹⁰ De kó difònkúò kòo kpàtì Aasii kòte Damaasi ke bo yà Asidii kóo kpàtì Tekadati-Fadasaa. Mèmmè ò yàmè diwũòtònni dì bo Damaasi kéwāri dì dòmmè weti weti, kéduónko ikuó nùtì Udii wèè bo Sedisadèmmu. ¹¹ Kòo maá diwũòtònni kè dì ndò nhokpàtì Aasi ò duònní itié nDamaasi ke yè nwè

dì maá kè dì ndòmmè, ké dì maá kédeè bá okpààtì Aasi mu nyí kònko. ¹² Kòo íté Damaasi kékònko kéyà diwũṣtònnì kédeke di ìnkè, ¹³ kéféúté o ǝfè kétuo nkétuònnè tihúúntì nè muyuo nke cóú mmenàà mbè tu mè diféè mu ìnkè kémíété diwũṣtònnì iwũṣ ò fié ì metaummè kpèyi i kó meyĩ, ¹⁴ kétúóté disòwũṣ kó diwũṣtònnì dìi bo ti Yìè nKuyie ncǝtètè ìikè kékòte ké dì cònné diwũṣtònnì pànnì bakù you bíékè, ¹⁵ kédeè kénáké ikuó nìutì Udii ke dò: Diwũṣtònnì dièrì ìnkè nke a yó ntuòmmè di feu ì wũṣ dikũnweñnì nè kuyuoku, okpààtì kó iwũṣ nè o kó yepārè nè kubotí kó iwũṣ nè ku kó yepārè, muyuo nkpeye nè diféè bè ǝṣ yòare wè yepārè ìnkè. A níi yóó di mmíété iwũṣ di kù feu ì kó meyĩ, kè disòwũṣ kó diwũṣtònnì dii, mĩi yó nyé di kpèti.

¹⁶ Kè ikuó nìutì Udii dòò okpààtì Aasi ò nàké tì timòu. ¹⁷ Dè kó difònkúò kòo kpààtì Aasii kéké sinaasēĩ bè do dòò sìi kó tifèntì Kuyie ncǝtètè kpéi si kó yetàrè kédei yebò yèè còmmú sì ìnkè, kécònté disòwũṣ kó kunankú diekù isòmátìnààke kòku, ké kù Ìnné ketenkè bè cè kè nè yetàrè, ¹⁸ kèpònté diwũṣtònnì Kuyie ncǝtètè okpààtì do dòunko dè o kpààtikàrì kékpetínné okpààtì kó dibòrì.

¹⁹ Aasi dòòrìmè sòmmè ò dòò mètè kó dimàà dè wàrimu Sudaa kpààtìbè dòòrìmè pátìrì mièke. ²⁰ Kòo kú kè bèè ò kũnné o yembè fòti Dafiti èi mièke, kòo birè Esekiasii sòoté o kpàtì.

17

Osee naámmè Isidayeribe kóo kpààtì

¹ Sudaa kóo kpààtì Aasi kpàtì benni tɛpíítè nè didérì miɛkɛ nke Edaa birɛ Osee naám̃m̃è Isidayɛɛribɛ kóo kpààtì, kɛntɔ tikpàtì kɛ dɔ yɛbie nyɛwɛi kɛ bo Sammarii, ² kédòò ti Yìè nKuyie nyí dɔ dè ò né í ntùòkɛ Isidayɛɛribɛ kpààtìbè bèè ò niiténè kɛ di tikpàtì. ³ Dɛ m̀nni kè Asidii kóo kpààtì Sadimanasaa kɛtɛnì kédò Osee kóò na, kòò ò b̀útɛ kɛ nhò yietì dàm̀pòò. ⁴ Kè Asidii kóo kpààtìi banté Osee dam̀m̀m̀è o cĩɛ nyi, ò s̃ ndi m̀nni Osee t̃ mbɛnìtìbè Saii èi Esibiti kóo kpààtì borè. Ò mɛ nyí yietí dɛ benni Asidii kóo kpààtì dàm̀pòò ò ò nhò yietì mèè botí yɛbie nteyè. Mɛm̀m̀ɛ Asidii kóo kpààtì duóm̃m̀è kè bèè pĩ nhOsee kébòú mɛf̃im̃m̀ɛ kékpetíñné. ⁵ Kè Asidii kɔbɛɛ íté kɛpité kɛtenkè kem̃ou, kékɔtɛ kɛpi Sammarii èi kɛ ndi pi kɛ dɔ yɛbie nyɛt̃ããti. ⁶ Osee kpàtì benni wɛínni miɛkɛ nke Asidii kóo kpààtì namè Sammarii kɛp̃im̃m̀ú bɛnìtìbè kékònnè Asidii kɛ bè kànnɛ Adaa èi nè Abɔɔ kó mpɛém̃m̀è Kosãã temp̃ɛ nnè Mɛdiì ekè.

Dèè te kè Isidayɛɛribɛ kpààtìyuu p̀ntɛ

⁷ Isidayɛɛribɛ yetɛ mèè kpéi mbɛ Yìè nKuyie nkùù bè dènnení Esibiti miɛkɛ kɛ d̀òò mɛyɛi ndɛè te kè tii mbè t̀òkɛnì. Kuyie ndo bè fiètɛnè Esibiti kóo kpààtì nwe kɛ bè dènnɛ kè bèè kù yóu kɛfíí yɛb̀kè. ⁸ Bè do t̃nnɛ ibotí ti Yìè nKuyie ndo bèti ì kɛ bè kànnɛ i borimɛ m̃m̀ɛ, ⁹ kéndɔ̀ri ti Yìè nKuyie nyɛ mbè báá d̀òò dè kɛm̃á yɛt̀rè yɛhɛkè yem̃ou miɛkɛ kɛt̃úóté bèè bàà dihèi bɛ kó yɛtuo kɛntɔ kɛt̃uòkɛnè yɛhɛkè diɛyè iduotí fité yè, ¹⁰ kɛfíí kù yɛt̀rè, kɛfíí kù itedéi sitãã sim̃ou ìnkè nè yɛteyɔ yem̃ou. ¹¹ Kè bè nfeui iwũɔ yɛt̀rè ibotí ti Yìè nKuyie ndo bèti ì kɛ bè kànnɛ, ì do d̀ò̀rìm̀è, kédòò dèè í wenni kè ti Yìè nKuyie miɛkɛ bè

yè. ¹² Bè do feu yebəkè nyè ti Yiè nKuyie mme ndo bè nàkèmu ke dò bè báá dɔ̀ dɛ kó kubotí.

¹³ Ti Yiè nKuyie ndo duó nkè ku pããnáàntì náam̀bè bè caummu weti weti bembɛ Isidayɛɛribɛ nè Sudaa kɔbɛ ké bè náké ke dò: Ceetɛnè káyóu di yɛi nkétũnnɛ n tannò nè n tié nnè n kuó n duó nkè m pããnáàntì náam̀bè bɛmɔu duó ndè di yembè.

¹⁴ Bè mɛ nyí nyie, kè bè kprénkũnnɛ bɛ to kè dɛɛ pɛ̀ɛ́tɛ bɛ yembè do kprénkũnnɛ mɛ̀ɛ̀ botí bɛ kprɛyɛ, kè bè yetɛ ti Yiè nKuyie nkprɛti. ¹⁵ Bè dootóo ti Yiè nKuyie nkuó nyi nè mɛtaummè kù do dɔ̀nɛ mɛ bɛ yembè nè kù do bè náké yè̀ tannò, kɛ tũnnɛ dɛtɛtìrɛ kprɛɛ, kɛ naá mɛ móm̃m̃m̃bɛ dɛtɛtìrɛ. Bè tũnnɛ ibotí tɛi kó mɛborimɛ mme Kuyie ndo yɛ mbè báá tũnnɛ mɛ. ¹⁶ Bè do dootóomu ti Yiè nKuyie ntannò páí, kédɔ̀ isɔ̀m̃átìnààkɛ ìdèi kɛ́fíi nkutedóu kɛnninku ke dɔu ndiyiè nè otànkù nè siwã kɛ feu iwũɔ̀ dibɔ̀ Baadi. ¹⁷ Kɛ tuò mɛ bí initidaaì nè initipòì kɛ pãũ kɛ dɔ̀rì munitinɔ̀ntɔ̀mmú, kédúo mbɛmáa mɛyɛi ndɔ̀rìmù miɛkɛ, kè ti Yiè nKuyie mmiekkɛ bè yè. ¹⁸ Kɛ mɛnkɛɛ bè yè mɛdiè nkè kùu bè kei nku borè kè dɛ nkpaá Sudaa botí kɔbɛ máa ndi.

¹⁹ Weè Sudaa kɔbɛ múnkɛ í ntũnnɛ ti Yiè nKuyie ntannò, kétũnnɛ Isidayɛɛribɛ do mɔkɛ mɛ̀ɛ̀ mantímè bɛ kó dikpààtiyuu miɛkɛ. ²⁰ Nè dɛ kpéi nkè ti Yiè nKuyie ndootóo Isidayɛɛribɛ bɛmɔu ké bè ãnnè ifɛi, kédúo nkè ibotí tɛi bè na kɛnfekù bɛ kprɛɛ, kè kùu bè kei nku ìkè.

²¹ Ti Yiè nKuyie nkuù do bè toté kédɛitɛ Isidayɛɛribɛ kécánnénè Dafiti kó tɛc̣ịɛ̀tɛ̀, kè Isidayɛɛribɛ p̣ị nNabati birɛ Sedoboammu tikpàti, kòo fétinnɛ Isidayɛɛribɛ ké bè tanné mɛyɛi ndiemè

mieke. ²² Kè Isidayeeribe ntũ nSedoboammu do dɔ̀ mɛ̀ yɛi, bè í mmè yóu. ²³ Kè ti Yiè nKuyie nYaá mbè keinnè ku borè kéndònnè kù do tì nàkémè nè ku pāānāāntì náāmbè nò mieke. Mɛ̀mmè kù bè cíemmè ku tenkè ìnkè kè bèe kɔte Asidii ke ke mbo nè yíenní.

Kuyie ndènnemè Isidayeeribe kè ibotí tèl kari be tenkè

²⁴ Kè Asidii kóo kpààtì duó nkè Babidɔnni kɔbe nè Kutaa kɔbe nè Awa kɔbe nè Amati kɔbe nè Sefawayimmu kɔbe kè bèe kɔtení kémbo Sammarii kó yehékè mieke kéfietè Isidayeeribe ekè bè do bo yè Sammarii kémbo. ²⁵ Bè kàri dìi mɔnni de kó yehékè mieke ke í ntũ nti Yiè nKuyie nkè kùu duó nkè yecìrìcìrè mbè pĩ. ²⁶ Kè bèe tɔ nkè bèe náké Asidii kóo kpààtì ke dɔ̀: A tɔ bèe nìtibè ke kànnè Sammarii bè í yé bè bàámmè Kuyie deè te kè kù duɔnni yecìrìcìrè kè yè bè pĩ. ²⁷ De mɔnni kè Asidii kóo kpààtì duó ndinùu ke dɔ̀: Túóténè m pĩrmúni bèe nìtibè Sammarii be mieke Kuyie nkuó nùtì mɔu kóò tènnɔ́ kóo nkè bo ké bè benke bè bàámmè Kuyie. ²⁸ Mɛ̀mmè kè bèe deite ti Yiè nKuyie nkuó nùbè mieke òmɔu kéduónko kòo mbo Betɛedi ke bè benkú bè bàámmè Kuyie.

²⁹ Bá kùu botí kù do dɔ̀ tɛbɔtenkaanitè nte kífí nyetuo bè do maá yè Sammarii kó yetàrè ye mieke. Bá kùu botí kù do mɛ ndɔ̀ ku èi kù bo dìi mieke. ³⁰ Kè Babidɔnni kɔbe mmàke be kpete kè tè tú Sukɔti-Bennɔti, kè Kuta èi kɔbe kpete ntú Nedikadi, kè Amati èi kɔbe kpete tú Asimati. ³¹ Kè Awa èi kɔbe kpesi tú Nibasi nè Taditaki, kè Sefawayimmu èi kɔbe kpesi ntú Adadamadeki nè Annammadeki, kè bè sì kòu ibí ke tuò. ³² Kè bè ntũ mbake ti Yiè nKuyie nke

né waá mbe botí mieke ikuó nùbè bèè yó mbo bè maá yèè tuo ke pĩ mmubəətəmmú nè be kpéí. ³³ Ké bè ntũ nti Yiè nKuyie nke feunè be bə̀kè bè do yè feu mèè botí be ciè bè do boní kè, kè bè bè təní.

³⁴ Nè yíenní bè kpaá tũ mmèè mantímè, bè í tũ nti Yiè nKuyie nséi bè me nyí tũ mbe kó ikuó, bè me nyí tũ nti Yiè nKuyie nkuó kù do duó nyí Sakəbu bí, kù do yu ì ke dò Isidayεεribε. ³⁵ Ti Yiè nKuyie ndo bè dɔ̀ɔ̀nè metaummè mmε ké bè nàké ku nùu ke dò: Di bá mmə̀ke yebə̀kè, di bá nninku ye ì̀̀kè, di bá nyè dɔ̀ú ndi me mbá nyè feu iwũɔ́. ³⁶ Di dò nkémbáá mmí ndi Yiè nKuyie nku, mí nwèè di dènnení Esibiti nè muwērímú. Di dò nkéndé mû maa ndi, ke nni ntũ nke n feu iwũɔ́. ³⁷ Dí mpĩ n di nàké tì nè n tié, nnè n tannò nè n kuó ké ndè tũ nsáà, di báá fíé yebə̀kè. ³⁸ Di báá yè mmetaummè n di dɔ̀ɔ̀nè mè, kéfíé yebə̀kè. ³⁹ Di ntũ mmí ndi Yiè nKuyie m maa ndi kè nni ndi dεerí nè di dootitə̀bè.

⁴⁰ Bè me nyí nyie nkè bè baa nkpaá ke tũ mbè do mə̀ke mèè mantímè nè dimònni. ⁴¹ Mὲmmε kè bè ntũ nti Yiè nKuyie nke feunè yebə̀kè, kè be bíi me nsə̀oté nè be yaàbíó. Ke me ndə̀əri nè yíenní.

18

*Esekiasi naámmè Sudaa kə̀be kóo kpààti
(Wénté 2 Bεkpààtìbè tōmmú 29:1-2. 31:1)*

¹ Isidayεεribε kpààti Edaa bire Osee kpàti benni tǎǎnni mieke nke Aasi bire Esekiasi naámmè Sudaa kə̀be kóo kpààti. ² Ó do yóó di tikpàti ke mə̀ke yebie nsipísidé nè yè̀nùmmù ndi, kén̄tə tikpàti ke dò yebie nsipísidé nè yè̀wɛi ke bo Sedisadεmmu. Sakarii bire Abi weè do tú o yɔ́. ³ Kòo ndə̀əri ti Yiè nKuyie ndó dè

o yààrì Dafiti do dɔ̀r̀r̀m̀è sósó. ⁴ Weè do pùɔ nyetà̀r̀è k̀épuɔ nsitenkaanì k̀ékɔũ Asedaa kutedɔ́ k̀ébóké f̀esɔ́mátìwààf̀è M̀ɔ̀ỳììs̀i do d̀ò̀ò̀ f̀è, Isidayeeribɛ do kpáá k̀e f̀è t̀ù̀ò̀mmu ntihúúntì k̀étuòkenní d̀e m̀ònnì, k̀è b̀è f̀è yu k̀e t̀ú f̀esɔ́mátìwààf̀è. ⁵ Esekiasi do d́mu mediè tì Yìè nKuyie nyIsidayeeribɛ t̀ù nkù k̀épɛ̀ɛ̀t̀é Sudaa kpààtibè sɔmbɛ, b̀èè ò niiténè ǹè b̀èè ò t̀únnì. ⁶ Kòo ntaunè tì Yìè nKuyie nweti weti, ò í nkù yaténè k̀éntũ nKuyie ntannò k̀ù do duó nyè M̀ɔ̀ỳììs̀i. ⁷ K̀è tì Yìè nKuyie nni nhò bonè kòò dɔ̀r̀r̀i d̀è d̀emou yie. Kòo yete Asidii kóo kpààtì kpɛtì k̀e t̀énkè í nhò bùó. ⁸ Weè do poté Fidisitɛ̀ɛ̀bɛ k̀éfietɛ b̀e tenkè k̀étúóté b̀èè baa dihèi b̀e kó yetuo k̀éntò k̀étuòkennè yehèkè iduotí fité yè.

Sidii kóo kpààtì Sadimanasaa pimè Sammarii

⁹ Sudaa kɔbɛ kóo kpààtì Esekiasi kpàtì benni naannì mièkè nke Isidayeeribɛ kóo kpààtì Edaa bire Osee kó tikpàtì benni yiénnì mièkè d̀ò nke, Asidii kóo kpààtì Sadimanasaa domè Sammarii èi k̀é d̀ì pì. ¹⁰ K̀è d̀è mmòkè yebie nyètã̀tì kòò di na k̀e s̀ó nhEsekiasi bo o kpàtì benni kuónnì, k̀è Isidayeeribɛ kóo kpààtì Osee bo o kpàtì benni wéinnì. D̀e benni ndi b̀è p̀òntemè Sammarii. ¹¹ M̀em̀m̀e Asidii kóo kpààtì p̀írm̀úm̀è Isidayeeribɛ k̀ékònnè Asidii k̀é b̀è kànnɛ Adaa, Abɔɔ kó mpɛ́mmè Kosã tempè nnè Medii ekè. ¹² B̀è do í yie mmèè kpéi nke tì Yìè nKuyie nnáàntì, k̀étòtɛ m̀etaummè k̀ù do nàkè t̀ì kó dimàà ku kóo t̀òntì M̀ɔ̀ỳììs̀i b̀è do í k̀ènté t̀imatì, b̀è m̀e nyí nyie nke d̀ò̀ò̀ t̀imatì.

Asidii kóo kpààtì Sãnsedibu domè Sudaa kɔbɛ tenkè

(Wénté Esaii 36:1 nè 2 Bekpààtibè tómmú 32:1)

¹³ Sudaa kəbe kóo kpààtì Esekiasi kpàtì benni
teríútè nè dinaannì miéke nke Asidii kóo kpààtì
Sànsedibu domè Sudaa ekè iduotí fité yè ké yè fiètè.

¹⁴ De mōnni kè Sudda kabe koo kpààtì t̃ mbenitibè Dakiisi èi kè bèe náké Asidii koo kpààtì ke d̃: Okpààtì tu ò cààrèmu a ò yóu ke ténke báá ò dokénè, kàa ò beke tì, ò yóó tì d̃d̃mu.

Kè Asidi kóo kpààtì dà, wèè ò duó ntimátì pèitì cidòòbè sikəupisìwèi (9000), meso ncidòòbè sikəusìwèi (900). ¹⁵ Kè Esekiasii túóté timátì pèitì tìi do bo ti Yìè nKuyie ncìfètè kó ditəu miεε nè tekpààtìcìfètè miεε timəu. ¹⁶ Kòo pəntε ti Yìè nKuyie ncìfètè kó yεcàkè kédəte meso nwenwe Esekiasi o mómmuə nhò do dànnεmè tidəβεtì tìi pìnnè yεcàkè. Kòo dè duó ndεməu Asidii kóo kpààtì.

Wèè ni Senakedibε ããpòmbè nàké tì

(Wénté Esaii 36:2-22 ñè 2 Bepààtìbè tōmmú 32:9-16)

¹⁷ Kè Asidii kóo kpààtì mbo Dakiisi kédèitè wèè baké o kó fèhāāpònnafè nè wèè baké tēkpààtīcītētē, nè wèè bàa wenwe okpààtì o mómumu, nè behāāpòmbè péu, kè bè tǎnko Sedisademmu okpààtì Esekiasi borè. Kè bèe tuokoo kébáté kéntókénè diyaāhótàrì kó kuce, menie mpūō nkūū néce ke taà dihéi kubiriku. ¹⁸ Bè de mbo ke dò bè dó kèyà okpààtì kè Idikiya biré Ediakimmu wèè kōtī tēkpààtīcītētē mieke kè weè né yènní nè Sebuna opátīwāātī nè Asafu biré Soaa wèè tōu dihéi kó yepáte. ¹⁹ Wèè baké fèhāāpònnafè kòo bè nàké ke dò: Nákénè okpààtì Esekiasi ke dò okpààtì dièwè Asidii kóo kpààtì tu ti da beke ke dò: A tǎ ba ke kari?

20 Yáà a yèmmè dò ntínáàntì detetirè kpèti tú itié nyi nè dikǎmbùò a kpéí nkàa bo ò dòkénè? Yáà a yèmmè naatinè we, kàa dàátí ke yete wenwe Asidii kóo kpààti kpèti? 21 Ò tu ò yému ke dò nha yèmmè naatinè Esibiti nwe a né í yé ke dò nhEsibiti dò ndipènni dìi pònte dindi, kè wèè di pī ndii ò kòute. Esibiti kóo kpààti me ndòori bèè ò duó mbe yèmmè.

22 Kè dè yèmmè di bo yí di yèmmè naatinè di Yìè nKuyie ndi tũ nkù dè né í tú kuù kó yetòrè nye nè yewũòtòrè Esekiasi pùommè o mómmuò nke nàké Sudaa kòbe nè Sedisadèmmu kòbe ke tú bè nfeu be wũò diwũòtònni dìi bo Sedisadèmmu mää? 23 Kàa yèmmè dò nnè n cice Asidii kóo kpààti di mà, a dò fíéù! Kòo da duó nsisèí sikòupísidé (2000) kè nsà kàa bo pété bèè bo sì dèke! 24 A í yóó na kébaao n kóo kpààti kó betòmbè mièke bá omää bá ketíke wèè tu osámòpòu be mièke. Kàa yèmmè né naatinè Esibiti yóó da duómmè sisèí nè si dèèbè! 25 Di yèmmè dò nhò kàtení nè omää ndi ke bo pònte di nhèi bá di Yìè nKuyie nyí dóàà? Kuù ò nàké ke tú ò dò nké di pònte.

26 De mǎnni Idikiya birè Ediakimmu nè Sebunaa nè Soaa, kè bèe nàké wèè ni Asidii kó fehāāpònnafè ke dò: Ti da báámmu nti náánnè Aramu èi kòbe kó tináàntì, bèè bo kuduotí ìnkè kè bè bá nyo.

27 Wèè baké Asidii kó behāāpòmbè kòo dò: N kóo kpààti í n tǎnni kè m bo tì nàké fí nnè a kóo kpààti díi mää. Ò pètinke n tǎnni kè m bo tì nàké benitibè mbe bèè bo kuduotí ìnkè, dindi nè bè, di yóó di di mínti káyà di yéńkúmè.

28 Mèmmè wèè ni Asidii kó fehāāpònnafè ò còmúmùè képiéké nè Sudaa kòbe kó tináàntì ke dò: Kénténè Asidii kóo kpààti di ewè tu mù: 29 Ò tu

Esekiasi báá benné ké ndi sou nhò í yóó na ké di fietε o n̄ou mieke. ³⁰ Esekiasi bá ndi sou nkε tú di duó ndi yèmmè di Yiè nKuyie nkè kù yóó di dεεté. Bá Asidii k̄obe báá p̄ante diheì. ³¹ Asidii kóo kpààti tu dí báá yie nhEsekiasi kp̄eti, di taunnè wenwe Asidii kóo kpààti, kè d̄εε yie nkè di nyo mbá wè o paku kó tidiiti ke cáá f̄inyĩ nè fikíε dε be ke ȳo mbá wè o binte nie, ³² ke kém̄múnè ò bo tūak̄enímè ké di túóté kék̄onnè kék̄anne diheì dii d̄onnè di kp̄eri, kè tidiiti nè d̄etie mbè tu d̄ε f̄inyĩ nè bè tu d̄ε odif̄iè bè dii d̄èè be mek̄sààmè kè d̄ε bo, kè mecekùò mmúnke bo di mieke, kè dí mbo d̄εborè ke báá kú diε nd̄et̄ir̄ε. Di báá k̄énté Esekiasi di náá nt̄i ke tú Kuyie nyóó di d̄εté. Ò di f̄ét̄inkomu. ³³ Yeh̄ek̄ε t̄eȳε kó yeb̄ak̄ε na ke bè d̄εté kè Asidii kóo kpààti í bè p̄ĩnnáà? ³⁴ Amati nè Adipadi kó yeb̄ak̄ε bor̄ε? Sefadifaimmu nè Enaa nè Iwa dε kp̄eȳε bor̄ε? Yè d̄εté Sammarii k̄obe kòò í bè naà? ³⁵ ʒ̄ndi εì kó dib̄òò na ke d̄εté di kó ket̄enk̄ε kòò kè yóu kè di Yiè nKuyie nné bo na k̄éd̄εté Sedisad̄emmu?

³⁶ Kè bè ndò nk̄aré bá òm̄òu í mbè t̄è̄nné t̄imat̄i. Ke ȳé okp̄àti Esekiasi do bè n̄ak̄ém̄ε ke tú bè báá ò t̄è̄nné t̄imat̄i. ³⁷ Kè Ikidiya bire Ediakimmu wèè k̄ot̄i tekp̄ààtic̄f̄èt̄ε nè op̄át̄iw̄ààti Sebuna nè Asafu bire Soaa wèè t̄ou diheì kó yep̄át̄ε kè bèε k̄ēr̄i be yààti k̄éw̄et̄oo Esekiasi bor̄ε, kóò n̄ak̄é wèè bak̄é Asidii kó feh̄āp̄on̄naf̄ε ò bè n̄ak̄é t̄i.

19

Esekiasi beémmè Kuyie mp̄āñáànt̄i náànt̄ò Esaii o kp̄eti
(Wénté Esaii 37:1-7)

¹ Okpààti Esekiasi ti kèè dìi m̀ǹnni k̀òo ỳemm̀è caàrè k̀òo k̀erí o ỳààti k̀e dáátí kufò̀t̀t̀nkù k̀éntati ti Yiè nKuyie nc̣ĩ̀t̀t̀è, ² k̀éṭ nhEdiakimmu ẁèè k̀otí t̀ekpààtĩc̣ĩ̀t̀t̀è nè o pátíwã̀t̀ti Sebuna nè ikuó ǹù̀bè b̀èè tu b̀ekótíbè k̀e d̀ò b̀è ndáátí tífò̀t̀t̀nti k̀éḳṭe Aṃoti biṛe Esaii Kuyie mp̣ããnáànti náàntò boṛè. ³ K̀òò nàkè k̀e d̀ò: Okpààti Esekiasi tu tí da nàkè k̀e d̀ò: Yíe nkó diyìè tu ṃeỵṇcaàrìm̀è k̀p̣eri ndi, ti pàkèmu, Kuyie nkuù ti poté k̀e ti di ifeì. Ti k̀p̣ere d̀onnè kupeiṭeyonku ạ̃ ité m̀emṃe onitipòkù k̀è muẉrímú né ò d̀onté ò bo ṇrìm̀è k̀è debiṛe ỳenní. ⁴ K̀è d̀è naati ti Yiè nKuyie nha tũ nkù bo nkeè Asidii k̀óo kpààti ṭōnní ẁèè ni o ạ̃p̀òmbè, k̀òo kù ṣm̀m̀ú m̀èè botí k̀e bo ò poté ỳeṣạ̃mbè ò kù ṣm̀m̀ú ỳèè kpéí. A né kù bàntè ku k̀òbè b̀èè kpáá b̀e kpéí.

⁵ K̀òo kpààti Esekiasi k̀ó yeṭṛèè tụokoo Esaii boṛè. ⁶ K̀òo ỳè nàkè k̀e d̀ò: Ti Yiè nKuyie ntu dí nàkè okpààti Esekiasi k̀e d̀ò o ḳm̀b̀ù̀t̀ti bá nduò ò k̀èè t̀ì náànti nè ỳeṣạ̃mbè Asidii k̀óo kpààti ṭōnní k̀è b̀è kù ṣm̀m̀ú ỳè kpéí. ⁷ Ti Yiè nKuyie ntu kuù m̀ómṃonku ỳóó ò ạ̃nné ṃeỵm̀m̀è m̀èè bo nte k̀òo k̀èè ṭínáànti matí k̀ékò ṇho cịe k̀è k̀ùu duó nkè b̀èè k̀è nhò k̀ù.

*Asidii k̀óo kpààti ẁàri dìi pátiri k̀e bo donné Sedisaḍemmu k̀òbè ḳm̀b̀ù̀t̀ti
(Wénté Esaii 37:8-13 nè 2 Bekpààtibè ṭōmmú 32:17)*

⁸ Ṃeṃṃe ẁèè ni Asidii k̀ó beḥạ̃p̀òmbè ò k̀èè m̀è Asidii k̀óo kpààti iṭéṃè Dakiisi k̀e ḳṭe k̀e do Dibuna mudoò, k̀òo k̀e nhò ṣñṭóo. ⁹ Asidii k̀óo kpààti do k̀èè Etiopii k̀óo kpààti Tiidaḳa k̀òriní m̀emṃe k̀e bo ò do mudoò. K̀òo yíé ṭ̣ nke d̀ò b̀èè nàkè Esekiasi k̀e d̀ò: ¹⁰ Asidii k̀óo kpààti tu ti da nàkè k̀e d̀ò: Kuyie nha

duós nkù a yèmmè kù báá da souté kàa yèmmè ndò nhò í yóó pònte Sedisadεmmu. ¹¹ A mómmuò nha kèèmu wenwe Asidii kóo kpààtì ò dòò dè yehékè tɛyè, ò yè kùmmè yemou páíí, kè fí nyèmmè né dò nkù bo da coonnaà? ¹² Kosāā nè Anaa kpɛri nè Desefu kpɛri nè Edennibɛ bèè do bo Tedasaa dɛ kó ibotí yembè ò kùò ì i bókè na kɛ ì dɛɛtáà? ¹³ Amati nè Adipadi nè Dayii nè Sefadifaimmu nè Enaa nè Ifa yɛ kpààtìbè bo dɛ?

Esekiasi bántèmè Kuyie
(Wénté Esaii 37:14-20)

¹⁴ Kè Esekiasii còuté dipátíri yetǒrè nou miεke kékaa nkédeè kéta ti Yiè nKuyie ncǐtè ké dì pǐnte ti Yiè nKuyie nyìkè, ¹⁵ ké kù bántè kɛ dò: Ti Yiè nKuyie nylsidayɛribɛ tũ nkù, fí nwèè kàri a taummè tou beĩnkèmbàribè fènti ìnkè, fíò baké yekpààtiyò yemou yèè bo ketenkè. Fí nwèè dòò ketenkè nè kèĩnkè. ¹⁶ Ti Yiè nKuyie n da báámmu kénté kékeè! Sǐnnéní káyà! A bomu fí nti Yiè nKuyie, kèè Sennakedibu da sáámmè. ¹⁷ Ti Yiè nKuyie! Mómmuò nwe nhAsidii kó bekpààtìbè dèèmmè ibotí tɛi kó yehékè yemou. ¹⁸ Kɛ cóu mbɛ bɔɔtenkaanii, benìtibè bèè sì dòò, sì í da dònne fí nKuyie. Sì tu idéi nyi nè yetárè. ¹⁹ Ti Yiè nKuyie nha ti dɛɛténè Sennakedibu kè dèe yie nkè ketenkè kó yekpààtiyò yemouu banté fíò tumè ti Yiè nKuyie nhamáà.

Esaii nàkémè Esekiasi ò bàntè Kuyie nkè kù ò tǐríné tì
(Wénté Esaii 37:21-35)

20 Məm̀m̀m̀ Am̀ti birɛ Esaii t̃m̀m̀m̀ kɛ b̀ɛɛ náké
Esekiasi kɛ d̀: Ti Yiè nKuyie nyIsidayɛɛribɛ t̃u
nkù tu kù kèèmu a kù kuónnè̀m̀ Asidii kóo kpààti
Sennakedibu kpéi. 21 Nte kù n nàké tì o kpéi:

Mí ndi Yiè nKuyie mm̃i tu:
Siyõ kó desapùmbire da sènkè̀r̀imu,
kɛ da daú kɛ da cokù,
kè Sedisadɛmmu kó desapùmbire da cõ.

22 Wenninwe a s̃m̀m̀m̀m̀?
Wenninwe a omm̃m̀?
Wenninwe a sèém̃m̀ fɛññfɛ?
Kuyie nyIsidayɛɛribɛ t̃u nkùà?

23 A baa t̃nni a t̃r̀ kè yè s̃m̀m̀m̀ mí ndi Yiè nKuyie
nkùà?
Kè nàké ké tú a naas̃i kpéni m̀ kpéi nte kàa dèkɛ
Dimaa t̃r̀ yómm̀,
kɛ ta Dimaa túúkù cuokè kɛ k̃õ detekperè nè bè tu
dè s̃p̀r̀s̃i.

Kè t̃̀kɛnè dit̃r̀ yónt̃nyómm̀ detie nsũdaà?

24 Kè b̃i nke tú a keúmu sibií b̃t̃b̀ c̃iɛ,
kɛ ỹa b̃t̃b̀ tenkè kó m̃niɛ,
kɛ na a naàc̃t̃ m̃m̃aà kɛ ĩt̃nné Esibiti kó ikó nyi
tukúnè kukó ndiekù Niirià?

25 A né í yé kɛ dò mm̃i nKuyie mm̃i p̃i ndɛ kó
mut̃mm̃.

Nè dim̃nni kót̃r̀ m̃iɛkɛ nke
n t̃ãt̃m̀ kɛ yé n dò nkéd̃d̃m̀,
kɛ yóó m̀ d̃d̃ di mm̃nni.

M̃i do da t̃ãt̃é,
kàa bo puo nyeh̃kè iduotí fité yè ké yè d̃t̃t̃.

26 Kè d̃ kó yeh̃kè k̃b̃ɛ d̃nt̃ muw̃r̃ím̃,
kè d̃ɛ bè kpeí kè b̃ɛ di if̃i,
k̃s̃ãt̃nè tim̃t̃i,

bè í yó ncāānnè mēmúyòmmè,
bè yóó dòntənè tiyoyienti nti,
nè timútì tìì 55 yè tɛcádopòtè ìnkè kɛ kpeío bá ti
mònnì í tùòkɛ.

²⁷ A kpɛti matì í bo tìi m biininè, mí nKuyie.

Kàà kàrì n yému,
kàà yèti n yému,
kàà mε ntati n yému,
kàà miεke m peike n yému.

28 A n yè mɛ̀ɛ́ kpéí nkemiekɛ,
kè tɛpòtè da deuté,
dɛ̀ te kè n yóó tǝnné a ɔnnì mumámáá
kéǎnné a nùù tisǎndántì,
ké da dete képoonné a nacefòtè kékpěnné a ciɛ.

29 Fɔ̃ nhEsekiasi, nte dɛɛ yó ntú mɛbɛnkùmɛ:
Di mbenni di yóó di tidiiti tii ɛ́nké tinti, dibenni
tɛrì kɛ́di tididenti, dibenni tǎǎnni kɛ́buɔ́tí kékɔ̃ũ.
kɛ́fííkú dɛtie mbè tu dɛ́ fínýĩ kétɔ̃ũ dɛ bɛ. 30 Dɛ mǎnni
Sudaa kɔ́bɛ bèè bo nkpaá, bɛ cǐɛ mbo ta kɛtenkè kè bɛ
bakɛɛ pɛitɛ yɛbɛ. 31 Sedisadɛmmu nwe bèè bo yɛntɛ
bè yɛ̀tínímè Siyɔ̃ tǎri ndi bè yɛ̀tínímè ti Yiè nKuyie
Mpakɛdaa ti dɔ́ mèè kpéi nkè dɛ dɛu te, kòò yóó mè
dòò. 32 Kè tii tukúnè Asidii kóo kpààti, nte ti Yiè
nKuyie nnàké tì o kpéi. Kù tu ò í tati di nhèi, ò báá di
tǎũ ipie, ò mɛ mbáá di do nè tidɔ̀pìiti, yoo wèè ɔ́nné
di duotí mutǎǎ nkéna kéta. 33 Mí ndi Yiè nKuyie
mbéimmu kɛ tú ò í tati di nhèi. Ò wɛ̀ti kɛ bo poo
nhò kɛ̀téní kùù cɛ nku kékònnè. 34 N yó nkǎnkému
di nhèi kè di dɛɛtɛ n yɛ̀tìrì kpéi nnè n kóo tǎnti Dafiti
kpéi.

Sennakedibu yĩkɛmè dikpànni kɛ kò
(Wénté Esaii 37:36-38 nè 2 Bekpààtìbè tōmmú 32:21-22)

³⁵ Dɛ kó keyènkè kè ti Yiè nKuyie nkó ditōnni kɔtɛní Asidii kɔbɛ kó dihããpònkari, kékuo benitibè tekɔupípiútè nè sikɔupísini (18000). Kè dɛɛ wenté kè bè nsɔ́ mbɛcírìbè bɛɛ maa duó duó. ³⁶ Dɛ mōnni kè Asidii kóo kpààtì Sennakedibuu uuté o ããpònkari kɛítɛ kékò nkémbo Ninifu. ³⁷ Mɛm̃mɛ ò tamè diyìè mari o bɔò Nisidaki tou kénínkú di ìkè, kòo bí Adadamadeki nè Sadeisɛɛ, kè bɛɛ ò kɔũ disiè kékuo kécoké kékɔtɛ Adadati èì, kòo birɛ ɛda-Adonnii sɔɔtɛ o kpàtì.

20

Esekiasi muɔkɛmè kè Kuyie nhò miékùnnɛ
(Wénté Esaii 38:1-8 nè 2 Bekpààtìbè tōmmú 32:24)

¹ Dɛ kó dimōnni ndi Esekiasii muɔkɛmè kéduúnnè mukũũ nkè Kuyie mpããnáãnti náãntò Amoti birɛ Esaii kɔtɛ o borè, kóò nàké kɛ dò: Ti Yiè nKuyie ntú a tũntɛ a cĩètɛ kpeti, a í yóó foute a yóó kúmu.

² Kè Esekiasii tũntɛ o ìkè kécuó nkumari, kékuónnè ti Yiè nKuyie nkɛ dò: ³ Áú! Ti Yiè nKuyie. N da báámmu, n kuó mmesémmè. A yému n da tũmmè nè n yèmmè mɛm̃ɔu kɛ dɔɔri a dómè.

Ò mɛ nyĩ kékuó.

⁴ Kè Esaii nkpaá kɛ mu nyí yè tekpààtìcĩètɛ kó kudànkù, kè ti Yiè nKuyie nhò béinnè kɛ dò: ⁵ Wɛtɛ kénáké n nìtìbè kóo kpààtì Esekiasi kɛ tú: N yɛ mmí ndi Yiè nKuyie nho yààrì Dafiti do tũ nkù, n kèèmu ò n kuónnèmmè kɛ yà o nɔnniɛti, kɛ yóó ò miékùnnɛ diyìè tããnni yiè, kòo ta n cĩètɛ miɛkɛ. ⁶ M bo ò yìè

yebie ntepiítè nè yènnùmmù, kóò deetè wenwe nè di nhèi, kè Asidii kóo kpààti báá dì na. N yó nkānkému di nhèi n yètìrì kpéi nnè n kóo tǎntì Dafiti kpéi.

⁷ Kè Esaii dǎ, bèe nante fikíè kó yebe kéwaare okpààti mǎ ndè, kòo miètè.

⁸ Dè do sǎ nhEsekiasi bekemu Esaii ò yóó yà mù kébanté ke dǎ ti Yiè nKuyie nyóó ò miékùnnè diyìè tǎǎnni yìè kòo wètè kéta ku cǐètè.

⁹ Kè Esaii dǎ: Nte a yóó yà dè kébanté ke dǎ nti Yiè nKuyie nyóó dǎ kù búi nti, medéè mbo tote yedetisàkè tepíítè tēmè. A dǎ mēè keté de ììkàa kè de fǎnkúò? ¹⁰ Kè Esekiasi dǎ: Dè í yóùnè medéè mmè bo kétémmè de ììkè, n dǎ mēè botí difǎnkúò ndi.

¹¹ Mēmme Esaii bǎntēmè ti Yiè nKuyie nkè medéè mbotirè kētuoke yedetisàkè tepíítè.

*Esekiasi cǎutēmè Babidǎnni kó yeheikèntǎrè
(Wéntè Esaii 39)*

¹² De kó yemǎrè miēke nke Babidǎnni kóo kpààti Badadanni birè Medodaki-Badanni tǎnnènnímè benitibè yepǎrè kè bè bo dǎu nhEsekiasi o muoke mēè kpéi. ¹³ Kè Esekiasi bè cǎutè ké bè benke o kpàti sǎrì kùu dieku nè timátì péitì nè mesǎ nnè tihúúntì tibotí tibotí nè mekǎsààmè, ké bè benkenè o kpàrinentì sǎrì dè. Ò kó yesǎrè yemǎu cénke, dèmarè í nsúò nhò í bè benke dè tekpààticǐètè miēke, yoo o mǎmmuǎo nho cǐètè.

¹⁴ Dè yī mēmme kè Kuyie mpǎǎnǎǎntì nǎǎntò Esaii kǎto o cǐètè kóò beke ke dǎ: Benitibè bèè kǎtení a cǐètè bè yē mba? Bè yènní de? Kè Esekiasi dǎ: Bè bonní diheì dètìrì ndi Babidǎnni. ¹⁵ Kè Esaii dǎ: Bè

yà ba a kpààtìcîètè mièke? Kè Esekiasi dò: Dèmarè í sùò n yí bè benke dè n sòrè yemou mièke.

¹⁶ Dè mǎnnì kè Esaii dò: Kénté ti Yiè nKuyie ntu n da náké ti. ¹⁷ Ti Yiè nKuyie ntu: Dè kpaanímu kè bè bo túóté dèè kó dimàà bo a kpààtìcîètè mièke kékònnè Babidǎnni, kétúóté a yembè do kǒú dè, kéntǎ kétuǎkenèní yíe ndèmarè í yó nkpaá. ¹⁸ A mǎmmuǎ nha bí a peité ì bè bo ì pǐrímú kékònnè Babidǎnni, ké bè fǒmmu ké bè pǐrínè tekpààtìcîètè mièke mutǒmmú.

¹⁹ Kè Esekiasi dò: Ti Yiè nKuyie nduó nkàa n nàá ntì wennimu. Nè o yèmmè mièke ke né tú: Kè kunaatí cénke bo n kó dimǎnnì kè tìmatì í n kǎónnè.

²⁰ Esekiasi dǎǎrìmè sǎmmè, ò dǎǎ dèè kó dimàà, ò do mǎke dǐi kǎmǐbùò nè ò maá mǎè botí kubinku diheì kékéú kukondǎú kékpǎnnéní menie ndiheì, dǎndǎ kó dimàà dè wǎrimu Sudaa kpààtibè dǎǎrìmè pátíri mièke. ²¹ Kòo kú kòo biré Manansee sǎoté o kpàtì.

21

*Manansee naámmè Sudaa kǎbe kóo kpàtì
(Wénté 2 Bekpààtibè tǎmmú 33:1-10,18-20)*

¹ Manansee do yóó di tikpàtì ke mǎke yebie ntepiítè nè yèdèè ndi kéntǎ tikpàtì ke dǎ yebie nsípìsìnùmmù nè yènùmmù ke bo Sedisadǎmmu, o yǎ yètìrì do tú Efisiba nwe. ² Kòo dǎǎ ti Yiè nKuyie nyí dǎ dè. Ò do tǔnnǎ ibotí kù do bètì ì ké bè kǎnnǎ ì do dǎǎrì ì sǎke nyi, ³ kǎwǎte kǎmaá o cice Esekiasi do pǎǎ nyèè wǔǎtǎrè, yetǎrè borè kǎmaá dibǎǎ Baadi yetǎrè kécíéké Asedaa tedǎú kǎfíí, kǎnninku ke dǎu

ndiyiè nè otànkù nè siwǎǎ Isidayeeribε kóo kpààti Akabu do dǎòmè. ⁴ Kòo maá yebǎwũǎtǎrè ti Yiè nKuyie ncǐètè miεε Sedisadεmmu, kù do bè nàké ke dǎ kù dǎ ku yètìrì mborè. ⁵ Kòo maá ti Yiè nKuyie nkó tidàntì tidé miεε yewũǎtǎrè, diyiè nè otànkù nè siwǎǎ de kpéí, ⁶ kékuǎ o birε kétuǎ, kénkǎrì tipǎǎtì ke náánnè yebǎkè, ke waà mbenitinòmbè bèè yu becíribè, nè bèè bourí tinùbootì kéndǎari mǎdǎòrìmè péu ti Yiè nKuyie nyí dǎ dè kè ku miεεε ò yè. ⁷ Kòo tanné tǎbǎatenkaanìtè Asedaa Kuyie ncǐètè miεε. Ti Yiè nKuyie ndo nàkému ku kóo tǎntì Dafiti nè o birε Sadowǎ ke dǎ Isidayeeribε tenké miεε kù tǎǎtè ke dǎ ku yètìrì mbo Sedisadεmmu nwe nè ku cǐètè miεε. ⁸ Kè dè bo yie nkè ku nìtibè Isidayeeribε ténke bá nhǎǎ ntipǎtì timǎu kédéténè ketenké kù duó nkè be yembè, kè bè cénke dǎari kù bè nàké ti timǎu ku kuó imǎu ku kóo tǎntì Mǎyiisi bè wǎri ì. ⁹ Sudaa kǎbe me nyí nyie ti Yiè nKuyie nkpeti kè Manansee bè fétinnε kè bèè dǎd mǎyei nképǎtè ibotí Kuyie ndo kùò ì ké bè kànnε ì do dǎòrìmè.

¹⁰ Mémme kè ti Yiè nKuyie nní mbè nnáánnè kè ku pǎǎnǎǎntì náam̃bè tùònkò. ¹¹ Sudaa kǎbe kóo kpààti Manansee me ndǎòrìmè isǎke kperε, kédǎd mǎyei nke dè pǎtè Amǎriibe bèè do dè bo nè dimǎnnì bè do dǎòrìmè, weè tanné Sudaa kǎbe bεmǎu mubǎǎféu miεε. ¹² Ntε ti Yiè nKuyie nyIsidayeeribε tũ nkù tu mù: Kù tu kù yóó duǎnní mǎè yei nSedisadεmmu nè Sudaa kǎbe tenké, bèè kó dimǎà bo ti kèè ti bo kpéétè be to. ¹³ Kù tu kù bennénè Sammarii kùò ãũ kù yóó ku mbennénè Sedisadεmmu. Kù anténè fèè nuǎfè Akabu cǐètè, kù yóó fε nhanténè Sedisadεmmu, kóò

eitè bè ɔ̃ɔ eitè mèè botí dibuu kékónténè di ìnkè. ¹⁴ Ku nìtìbè bèè bo nkpaá, kù bo bè ùtóo. Kù bo duó nkè be dootitòbè mbè pĩ nke fekù be kperè. ¹⁵ Kε yé nè be yembè yèmè Esibiti bè baa dɔɔri kù í dɔ dè nde kényínko ku miεke nè yíenní.

¹⁶ Sudaa kàbe kóo kpààti Manansee do kùɔnèmu benìtìbè péu bèè í càke mùmamù, kè be yĩ mپیè nSedisadεmmu εì. Kε né yiénè mεyεi nhò tanné Sudaa kàbe mèè miεke, kè bè ndɔɔri ti Yiè nKuyie nyí dɔ dè.

¹⁷ Manansee kó mεdɔ̀rìmè sɔmmε ò dɔ̀ dèè kó dimàà nè ò dɔ̀ mèè yεi ndεmɔu dè wàrimu Sudaa kpààtìbè dɔ̀rìmè pátíri miεke. ¹⁸ Kòo kú kè bèè ò kũnné okpààti cīètè kó mupérímù bè tú mù Usaa mu miεke. Kòo bire Amɔ sɔtè o kpàti.

*Amɔ naámmè Sudaa kàbe kóo kpàti
(Wénté 2 Bekpààtìbè tōmmú 33:21-25)*

¹⁹ Amɔ do yóo di tikpàti kε màke yεbie nsipísìdé nè yèdéè ndi, kéntɔ tikpàti kε dɔ yεbie nyèdéè kε bo Sedisadεmmu. Kòo yɔ̀ yètìrì tu: Mεsudεmεti Adusi bire, Yotiba εì kou. ²⁰ Kòo dɔ̀ ti Yiè nKuyie nyí dɔ̀ dè o cice Manansee baa do dɔ̀mè mεmómmɔmmε, ²¹ kétũnnε o cice borimε weti weti kénfeu yεbókè o cice do feu yè kε ninku yε ìkè, ²² kédootóo ti Yiè nKuyie nho yembè do tũ nkù, ò í ntũnnε ku kó kucε.

²³ Mεmmε kòo tũmbèè cómmú kε bo ò bɔ nkòò kùò o cīètè miεke. ²⁴ Kè dihéì kó benìtìbèè bè poté kékuo, kéduó nkòo bire Sosiasii sɔtè o kpàti.

²⁵ Amɔ dɔ̀rìmè sɔmmε ò dɔ̀ dèè kó dimàà dè wàrimu Sudaa kpààtìbè dɔ̀rìmè pátíri miεke. ²⁶ Kòo

kú kè bèè ò kũnné o cice fõti mièke Usaa pérímù. Kòo bire Sosiasii sɔɔté tikpàtì.

22

*Sosiasii naámmè Sudaa kɔbe kóo kpààtì
(Wénté 2 Bekpààtibè tómmú 34:1-2)*

¹ Sosiasii do yóó di tikpàtì ke mɔke yebie nyèni ndi kɛntɔ tikpàtì ke dò yebie nsipísitããti nè òmáà, ke bo Sedisadɛmmu kòo yɔ yètìrì tu Sedida Adaya bire Bosikati èi kou. ² Kòo ndɔɔrì ti Yiè nKuyie ndó dè, ò do tũnne o yààrì Dafiti borime mme weti weti, ò í nyóu mèmamè.

*Sosiasii pètémè Kuyie nkuó pátíri ku cĩètè mièke
(Wénté 2 Bekpààtibè tómmú 34:8-18)*

³ Sosiasii do bo o kpàtì benni tɛpíítè nè diniínni mièke nke kɛtɔ nho kóo pátíwãàtì Safãã Asadia bire, Mesudammu yaábire, ke dò bèè kɔte ti Yiè nKuyie ncĩètè, ⁴ kénáké ikuó niùtì diɛwè Idikiya kòo ya timátì péítì bè tɔnì ti ti Yiè nKuyie ncĩètè kpéí, mbèè tè bàà kè bè tì cuó tì màmè, ⁵ kè tì tùóté kédúó mbèè baké ti Yiè nKuyie ncĩètè tũntimù kó mutómmú, kè bèè yietí bèè pĩ mmutómmú ku cĩètè mièke ke tũnni dèè càke. ⁶ Bedabɛɛsũòbè, nè bèè ni mumarimù, nè bɛmaribè, ke donnè idéí nè yetádieyè kétũntenè Kuyie ncĩètè. ⁷ Kè bè bè dúó mbè bá mbékú ke tú bèè náké bè tì pĩnnè mèè botí mutómmú, ke yé bè pĩnnè kè dè wennnimu.

⁸ Kè ikuó niùtì diɛwè Idikiya náké opátíwãàtì Safãã ò pètémè ti Yiè nKuyie nkuó pátíri ku cĩètè mièke, kè dì nhò dúó nkòo kaà. ⁹ Ò kàà mmɛmmɛ

kédeè kékɔɛ kénáké okpààtì kɛ dò: Tínti a kó betɔmbè ti tùótému timátì péítì kɛ duó mbèè ni ti Yìè nKuyie ncīētè kó mutɔmmú.

¹⁰ Kòo náké okpààtì kɛ dò: Ikuó nùtì Idikiya weè n duó ndipátìri marì, ké dì nhò kàa.

Osiasi beémmè onitipòkù wèè náá nKuyie mpāānāāntì

(Wénté 2 Bekpààtìbè tōmmú 34:19-28)

¹¹ Okpààtì kèè mɛmmɛ Kuyie nkuó bè ò kàa nyì kékēté o yààtì, ¹² kénáké ikuó nùtì Idikiya nè Safāā birɛ Ayikammu nè Misee birɛ Akibɔɔ nè opátíwāātì Safāā nè okpààtì kóo tūntì Asaya kɛ dò: ¹³ Kɔtenè kébeé nti Yìè nKuyie n kpéi nnè benitìbè kpéi, Sudaa botí kumɔu kpéi nkéyà dipátìri bè mè mpèté dì tɔ tì! Tì Yìè nKuyie mmieke ti yè mēdiè mmè ti yembè í yie mmèè kpéi nke tūnnɛ dipátìri dii ntɔ tì, bè í yie nke dòò dì yè mmù.

¹⁴ Mɛmmɛ ikuó nùtì Idikiya nè Ayikammu nè Akibɔɔ nè Safāā nè Asaya bè kòtemè onitipòkù Udida borè wèè náá nKuyie mpāānāāntì. Kòo dɔ̀u yètìrì tu Sadummu Tikifa birɛ, Adasi yaàbire kòò bàa ikuó yààtì. Dɛ kóo nitipòkù do bo Sedisadɛmmu nwe, dicēkarì bè tu dì: Dihèi pànni kè bèè ò nàké bè tɔ tì. ¹⁵ Kòo bè tēñné kɛ dò: Kɔtenè kénáké onitì wèè dì tōnní m borè kɛ dò: Tì Yìè nKuyie ntu ¹⁶ Sudaa kɔbɛ kóo kpààtì kàa ndìi pátìri náá mmèè yei nkpéi mè yóó bóté Sedisadɛmmu nwe nè o nìtìbè. ¹⁷ Bè kù bəntóo mēè kpéi nke tuò ntihúúntì yebókè kè bɛ dɔ̀òrìmè íinko ku miéke. Dɛɛ te kè ku miéke yè di nhèi, kɛ í yóó bonke. ¹⁸ Dí náké Sudaa kɔbɛ kóo kpààtì wèè dì tōnní kè di bo beé nti Yìè nKuyie nyIsidayɛɛribɛ tū nkù kɛ tú ò kèè tìi náāntì yóó dɔ̀òmu. ¹⁹ Ò né

mè ntì kèèmé kòo yèmmè cààrè, kòo kékùnnè omáà. Kù nàké tì di nhèi kpéi nnè di yembè kpéi. Mèyei ndiemè mèè yóó bè tùðkení kè be tenkèe naá Kuyie ncĩĩ kè. Ò mè nkērímè o yààtì ke kòmmú ku ìkè kù tu kù kèèmu. ²⁰ Nè de kpéi nkù tu kù bo ò òmpùnne o yembè borè bàmmù, o nònfè báá yà mèyei nkù yóó bənténímè Sedisademu. Mèmmè kè bèe kòte ke tì nhò nàké.

23

Okpààti Sosiasi kaàmmè benitibè Kuyie nkuó pátiri (Wénté 2 Bekpààtibè tómmú 34:29-32)

¹ Kòo kpààtì tíi nSudaa naàmùnkù kó bekótíbè, nè Sedisademu èi kòbe, ² kékòte ti Yiè nKuyie ncĩĩtè ke neínè Sudaa èi kòbe nè Sedisademu èi kòbe bemou, ikuó niùbè nè ti Yiè nKuyie mpāānāāntì náam̃bè nè benitidiébè nè cénkoo kòbe, benitibè bemou. Kòo bè kàa nyikuó pátiri bè pètè dī ti Yiè nKuyie ncĩĩtè mièke dimou. ³ Kòo nkpaá cómmú diwūštānni ñnkè, kédóunnè ti Yiè nKuyie ndinù dī tu bè ntū be Yiè nKuyie kényie nku tannò nè ku kuó nè ku tié nè be yèmmè memou, kéndòori tìi kó dimàà wāri ikuó pátiri mièke ti yē mmù. Kè benitibè bemou dò: Ti yiemmu ke bo ntaunnè Kuyie.

Bè wète ke tūntemè Kuyie mbáámmù Sudaa tenkè (Wénté 2 Bekpààtibè tómmú 34:3-5)

⁴ Kòo kpààtìi nàké ikuó niùtì diwè Idikiya nè bèè ò tūnko nè bèè bàa ti Yiè nKuyie ncĩĩtè ke dò bèe denne tinenti bè do pīñnè tì dibòò Baadi nè Asedaa nè diyie nè otānkù nè siwāā de tómmú ti Yiè nKuyie ncĩĩtè mièke. Kè bèe dè dènnè Sedisademu ké dè

tùò nSetinɔɔ biriku, kɛ̀tɔ de tápeí nkékɔtenè Betɛɛdi.
⁵ Kè bèɛ beti bèè do ni ibɔɔkuó Sudaa kpààtibè do
 ǎnné bè kè bè ntùò ntihúúntì yetòrè yèè bo Sudaa
 tempɛ mmieke nè yehékè yèè tókénè Sedisadɛmmu
 nè bèè do tuò ndibɔɔ Baadi nè otǎnkù nè siwǎǎ
 simɔu botí tihúúntì. ⁶ Kè bèɛ uuté Asedaa tedɔú
 ti Yìè nKuyie ncǐɛ̀tè mieke, kédennɛ Sedisadɛmmu,
 kékɔtenè Setinɔɔ kubiriku kɛ̀ kù tuɔ nkè kùu naá
 mmutápeí nkè bèè mù útóo ifɔ̀ti mieke. ⁷ Kè bèɛ puɔ
 nyetuo bè do maá yè kɛ̀tanné benitipòbè bè do soó
 mbè kénkòrì ke bè dounè be kó ikuó yɛ̀mmè. Nè
 benitipòbè do ɔ̀ nkàrì dè ke duòkù tiyààtì bè ɔ̀ nhǎ
 tì ke dɔ́unnè tebɔɔtenkaanitè Asedaa.

⁸ Kè Soasii duó nkè bèɛ yúnì ikuó niùbè Sudaa
 tenkè kemɔu mieke kè bèɛ sǐnkùnnɛ yetòrè bè do
 tuò nyèè ìnkè tihúúntì kékɛ̀tè Kebaa kɛ̀ntɔ kɛ̀tuɔkɛ̀nè
 Berisebaa yèè bo dibòrì bè do tú dì diheì yìè nSo-
 suwee kó dibòrì borè. Kè bèɛ puɔ nyeteyè yèè bo a
 bo ntatoomè diheì kó dibòrì kubakù cǎnku. ⁹ Ikuó
 niùbè bèè do tuò ntihúúntì yebɔɔwũ̀tòrè ìnkè bè í
 ndò mbè bo na kékɔte ti Yìè nKuyie nkó diwũ̀tònnì
 borè Sedisadɛmmu. Bè né bo na kɛ̀wɛ̀nnénè be kɔ̀be
 tabè kécááké pɛ̀è wèè í kɔ̀rɛ̀nè mutie mùù muuti.

¹⁰ Kè bèɛ sǐnkùnnɛ ditònnì dìì bo Benni-Inɔmmu
 Biriku bè tu dì Tofeti, bè do ɔ̀ ntuo ndiì ìnkè ibí, kòo
 mɔ̀u ténke báá tuɔ ndenitidabire yoo denitipobire
 dibɔɔ Mɔ̀dòki. ¹¹ Kè bèɛ kuɔ sisɛ̀i Sudaa kpààtibè
 do duó nsì kè bè bo ndɔ́unnè diyiè kè sì mbo
 ti Yìè nKuyie ncǐɛ̀tè kó dibòrì také, ke tókénè
 tekpààticǐɛ̀tè kóo kótì Mɛ̀danni-Mɛ̀dèki cǐɛ̀tè. O cǐɛ̀tè
 do tókénè bè do maá kùù dieku nku kékpeénnè
 Kuyie ncǐɛ̀tè, kɛ̀tuɔ nnè sinaasɛ̀i bè do pǎ sì kè
 bè bo ndɔ́unnè diyiè. ¹² Kòo puɔ nyebɔɔwũ̀tòrè

Sudaa kpààtìbè do maá yè Aasi kó kudànkù ìnkè nè Manansee do maá yè ti Yìè nKuyie ncîètè kó dèdànnè dèdé mièkè, kòo yè pònte kédéíté kéútóo yè tǎǎ nSetinɔɔ biriku mièkè. ¹³ Kòo cake yebɔɔwũɔtǎrè Sadoɔɔ do maá yè Sedisadɛmmu kó yetòrè odìfìè tǎrì bakù cǎnku Sidoniibe bɔɔyeiri Asitaditee kpéi nnè Mɔabiibe bɔɔyeiri Kemɔɔsi kpéi nnè Amɔniibe bɔɔyeiri Midikɔmmu kpéi nkòo yè sǐnkùnnè yemɔu, ¹⁴ képuɔ nyebɔɔtǎrè bè do fííkú yè kéu itedéi kètóni bécírìbè kũǎ kèpíe ndè do bo yèè borè.

*Isidayeeribe wète ke tũntemè mubáammu
(Wénté 2 Bekpààtìbè tǎmmú 34:6-7)*

¹⁵ Kè Sosiasii puɔ nNɛbati bire Sedoboammu do maá dii wũɔtǎnni Betɛɛdi kó ditǎnni borè kètannè Isidayeeribe mɛyèi mmíèkè. Kòo di puɔ kécúu nditǎnni nè kutedɔú, dɛmɔu kè dèe naá mmutǎǎ.

¹⁶ Mɛm̀m̀e ò wèntémè káyà ifǔti ìi do bo dɛborè ditǎrì ìnkè kètɔ nkè bèè kũténì bɛ kũǎ kòo yè cúu ndiwũɔtǎnni ìnkè, ké di sǐnkùnnè kéndònnè ti Yìè nKuyie ndo ti nàkémè ku pǎǎnǎǎnti nǎǎntò kòo ti b́i, Sedoboammu dèkè dii mǎnni diwũɔtǎnni ìnkè dibanni yiè. Ò dɛ mbo kèwénté káyà Kuyie mpǎǎnǎǎnti nǎǎntò wèè do nàké dɛ kó tipǎǎnǎǎnti o fǔti. ¹⁷ Kè Sosiasii beke ke dò: Difǔtitǎrì dii we nkó kufǔti kperi ndi?

Kè diheì yembèè ò tǛnné ke dò: Kuyie mpǎǎnǎǎnti nǎǎntò wèè do iténì Sudaa tenkè kékɔtenì kénáké a mɛ mbo ke dɔɔrì tì yíe, nho fǔtitǎrì ndi.

¹⁸ Kè Sosiasi dò: Yóunè dɛ kó kufǔti, di báá kù kàáké! Mɛm̀m̀e kè bèè yóu o kũǎ òmɔu í nyè kũté,

kéyóunè múnke Kuyie mpããnáàntì náàntò wèè do yènní Sammarii tenkè o kpɛye.

¹⁹ Kè Sosiasi múnkeɛ puɔ nyebɔɔtuɔ bè do maá yè Sammarii ekè mieke Isidayeeriɛ kpààtìbè do maá yè kéíi ti Yiè nKuyie mmieke. Kòo yè puɔ mpáíí ò puɔ mmèè botí Betɛedi kpɛye. ²⁰ Kòo pĩmmú bebɔɔyembè bèè dè bo ké bè fié be bɔwũɔtòrè ñnkè, kécóunnè yenitikũɔ de kó yewũɔtòrè ñnkè.

Ò me nyĩ kédeè kéwɛte Sedisadɛmmu.

*Sosiasi duómme kè bɛɛ baa ndiyentébanni
(Wénté 2 Bekpààtìbè tōmmú 35:1, 18-19)*

²¹ De kó difɔnkúò kòo kpààtì Sosiasii náké benìtìbè ke dò: Baánnè diyentébanni kédéúkunnè ti Yiè nKuyie nyètìrì, kéntũ ntì wàri ku kuó pátìri mieke. ²² Nè bebaatìbè kó dimònnì, kéntò kétuakennì bekpààtìbè kó dimònnì Isidayeeriɛ nè Sudaa kɔbe, bè do í baà ndiyentébanni mebotí. ²³ Okpààtì Sosiasi kpàtì benni tepítè nè diniínnì ndi bè wète kébaámmè diyentébanni mebotí Sedisadɛmmu ke bo déúkunnè ti Yiè nKuyie nyètìrì.

*Sosiasi kpàtì mànkú
(Wénté 2 Bekpààtìbè tōmmú 35:20-27. 36:1)*

²⁴ Kè Sosiasii paa mpáíí Sudaa tenkè kemɔu mieke nè Sedisadɛmmu omɔu mieke bèè yu becíríbè nè bèè bourí tinùbootì, nè bèè fííkú becíríbè, nè sibɔatenkaanii, nè isòke ìi kó dimàà do dɔɔri Sudaa tenkè, nè Sedisadɛmmu omɔu mieke. Sosiasi do tũnnè ikuó niùtì Idikiya do pètè ti Yiè nKuyie nkuó pátìri dì ku cfiètè mieke di yɛ mmù mmu, kékáúté dɛndɛ kó dimàà páíí.

²⁵ Bekpààtìbè bèè do ò niiténè kédì tikpàtì nè bèè ò tũnnení òmòu do íbo wèè ò dònne, weè duó nhomáà Kuyie nnè o yèmmè memòu nè o wērímú mumòu, kéndòori ti Yiè nKuyie ndo duó nyì kuó Mòyiisi kòò ì wàri ì yē mmù.

²⁶ Bá nè memme kè Kuyie mmieke nkpaá pèi Sudaa kàbe be kóo kpààtì Manansee, weè do cààrè ti Yiè nKuyie nkè ku mieke be yè bá kè í nyie nke bo do. ²⁷ Mèmmè kè ti Yiè nKuyie mbè nàké ke dò: M bo kei nSudaa kàbe m borè, n kei mmèè botí Isidayeribe. N yóó dootóomu Sedisademu diheì n tãátè dì, nè n cīètè n do bēi nke dò n yètìrì yó mbo tèè mieke.

²⁸ Sosiasi dòrìmè somme ò dòò dèè kó dimàà de wàrimu Sudaa kpààtìbè dòrìmè pátìri mieke. ²⁹ O kó tikpàtì mieke nke Esibiti kóo kpààtì Nekoò kòrìmè ke bo tee nhAsidii kóo kpààtì mudoò kukó nhEfadati borè. Kè Sosiasii ò dinté, kè Nekoò ò kùò Mèkidoo kó mudoò ketimù mieke. ³⁰ Kòò kó betōmbèè ò tuóté nè tekpàrìnaasāntè Mèkidoo kékònnè Sedisademu, kòò kũnnè Sudaa kpààtìbè fōti mieke. Kè diheì yembèè pī nYoakasi tikpàtì, kóò còú mmekùò nkòò sòoté o cice Sosiasi kpàtì.

*Yoakasi naámmè Sudaa kàbe kóo kpààtì
(Wénté 2 Bekpààtìbè tōmmú 36:2-4)*

³¹ Yoakasi do yóó di tikpàtì ke mọke yebie nsipísídè nè yètāāti ndi kéntò tikpàtì ke dà betāàbè bètāāti ke bo Sedisademu. O yō yètìrì do tú Amitadi Yedimeyau birè, Dibuna èi kou. ³² Kòò dòò ti Yiè nKuyie nyí dó dè o yembè do dòò mēè botí weti weti. ³³ Mèmmè Esibiti kóo kpààtì Nekoò ò pīrímè

kékpətiné Dibuda Amati tenké miéke bá ò ténké í ntú Sedisadəmmu kóo kpààti. Kòo duó nkè bè nhò yieti dàmpòò bá dìi benni timáti péiti cìdóòbè sikəupísitāāti (3000), məsəə ncìdóòbè sikəusitāāti (300).

³⁴ Kè weè kpààti Esibiti kouu túóté Sosiasi biré Ediakimmu kəduó nkòo səté o cice kpàti, kòo ò cèète diyètiri kóo yú ke dà: Sosakimmu, kətúóté Yoakasi kékənnè Esibiti kòo ke nkú. ³⁵ Kè Sosakimmuu kéété o nitibè bá wè o wərimú mamè ò bo duómme timáti péiti, nè məsəə nkè dè nsənnè Esibiti kóo kpààti beke dè. Kè bè níi dè nhò duó nkòo dè duó nhokpààti Nəko.

*Sosakimmu naámme Sudaa kəbe kóo kpàti
(Wénté 2 Bəkpààtibè tōmmú 36:5-8)*

³⁶ Sosakimmu do yóó di tikpàti ke məke yebie nsipísidè nè yènnəmmu ndi, kəntə tikpàti ke dè yebie tēpūtè nè dimàa ke bo Sedisadəmmu, kòo yə yètiri tu: Sebida Pedaya biré Dumaa èi kou. ³⁷ Kòo dāò ti Yiè nKuyie nyí dā dè o yembè do dāò mēè botí weti weti.

24

¹ Sosakimmu kpàti miéke nke Babidənni kóo kpààti Nəbukənnəsəə ò domè kóo na, kòo ò bəuté ké nhò bùú ke dè yebie nyètāāti kəwēte kəyete o kpəti. ² Məmmə kè ti Yiè nKuyie nduó nkè bəfēèbè Babidənni kəbe nè Asidii kəbe nè Məabu kəbe nè Aməniibə, kè bēe do Sudaa kó dikpàatiyuu ke bo di dēè páíi kéndənnè ti Yiè nKuyie ndo ti nəkémə ku kó bətəmbè ku pāānāānti náaməbè kè bēe tì bēi. ³ Ti Yiè nKuyie ndo duó nkè dəndə kó dimàa bè tūəkeni ke bo bè kei nku borè ndə, Manansee kó mēyeyi nképéi

nnè ò dǎò dèè kó dimàà, ⁴ nè ò do kùò bèè nìtìbè kè be yĩ ncóú nképíe nSedisadεmmu bá bè í cààrè mùmamù, mèè do te kè ti Yìè nKuyie nyete kù bo bè cǐémme.

⁵ Sosakimmu dǎòrìmè sǎmme ò do dǎò dèè kó dimàà dè wǎrimu Sudaa kpààtìbè dǎòrìmè pátiri mieke. ⁶ Kòò kú kè bèè ò kǔnnè o yembè fōti. Kòò bire Sosakinni sǎoté o kpàti.

⁷ Esibiti kóo kpààti ténke í nyè o èi ke yé Babidǎnni kóo kpààti do fiètemè o tenkè ò do te kè kétúóté Esibiti kó kukó nkétuǎkenè kukó nhEfadati.

*Bè pǐrmúmè Sudaa kǎbe ke kǎnnè Babidǎnni
(Wénté 2 Bekpààtìbè tǎmmú 36:9-10)*

⁸ Sosakinni do yóó di tikpàti ke mǎke yebie ntepiútè nè yèni ndi, kénǎ tikpàti ke dǎ bétǎǎbè bétǎǎti ke bo Sedisadεmmu. Kòò yǎ yètiri tu Neusitaa Edinatǎǎ bire Sedisadεmmu èi kou. ⁹ Kòò dǎò ti Yìè nKuyie nyí dǎ dè. Ò do tǔnnè o yembè borime mme weti weti.

¹⁰ De mǎnni ndi Babidǎnni kóo kpààti Nebukannesaa domè Sedisadεmmu kóò pi. ¹¹ Kè Nebukannesaa o mǎmmuǎ nkǎtení kédò dihei o āǎpǎmbè pi di. ¹² Mémme Sosakinni Sudaa kǎbe kóo kpààti yènnímè kékǎte kóò duó nhomáǎ kénèinè o yǎ nè o kó bétǔmbè nè bè fǎmmu bè kè tu tekpààtǐcǐètè kó bekótìbè. Kè Babidǎnni kóo kpààti bè pǐrmú kédǎò tidaati. O kpàti benni diniinni mieke do nke ò bè pǐrmúmè.

¹³ Mémme ò tǎmè ti Yìè nKuyie ncǐètè kó tinenti timǎu tii do bo te mieke nè tekpààtǐcǐètè mieke kpeti. Kè bèè puǎ mmesǎò nkó tinenti timǎu Isidayeeribe

kóo kpààtì Sadomə do dǎ̀ tì ti Yiè nKuyie ncǐètè kpéí, nkù do tì nàké ke yěmmè. ¹⁴ Kòo pǐmmú okpààtì kó bètũmbè nè bèè tu benitidièbè, kè bè mbo tekəupííítè (10000), kǐpǐmmúnè bemaábè nè bèè dǎ̀rì yəcaukpetínyè, kè cǐnkoo kəbe bèè nkpaá dihei. ¹⁵ Kòo tǎ Sosakinni nè o yǎ nè o pobè nè iwěi yembè nè bè fǐmmu bè kè bè tu tekpààtǐcǐètè kó bekótibè, ké bè kǝnnè Babidǝnni. ¹⁶ Bèè kó dimáà nǎ mmudoò kè bè mbo sikəupísìyiekè (7000) bemaábè nè bèè dǎ̀rì yəcaukpetínyè kè bembè mbo tekəupíítè (1000), kǐpǐmmú behāāpǝmbè yekǝmbò yembè kékǝnnè Babidǝnni.

¹⁷ Kè Babidǝnni kóo kpààtì túóté Sosakinni yǎ tǎi Matanniya kédaò okpààtì kòo sǎtè Sosakinni kpàtì. Kòo ò cèètè diyètìrì kóò yu ke dǎ̀: Sedesia.

*Sedesia naámmè Sudaa kəbe kóo kpààtì
(Wénté Sedemii 52:1-3 nè 2 Bekpààtibè tǝmmú
36:11-12)*

¹⁸ Sedesia do yóó di tikpàtì ke mǎke yəbie nsipísidé nè dimáà ndi kǝntǎ tikpàtì ke dǎ̀ yəbie ntəpíítè nè dimáà ke bo Sedisadəmmu. Kòo yǎ yètìrì tu Amitadi Sedemii birə Dibuna èi kou. ¹⁹ Kòo dǎ̀ tì Yiè nKuyie nyí dǎ̀ dè, ò do tǝnnè Sosakimmu borimə mmə weti weti.

²⁰ Ti Yiè nKuyie nkuù miəke do yè Sedisadəmmu nè Sudaa kəbe kè dǝndə kó dimáà bè tǝ̀kəní, kè Kuyie mbè kei nku borè.

Kè dè mboní kè Sedesia yetə Babidǝnni kóo kpààtì kpeti.

25

*Babidɔnni kóo kpààti pímè Sedisadɛmmu
(Wénté Sedemii 39:1-7. 52:3-11)*

¹ Sedesia kpàti benni diwéínni miéke do nke otánkù píínwè miéke diyìè píínni Nebukannesaa Babidɔnni kóo kpààti domè Sedisadɛmmu mudoò nè o ãāpòntínni diməu kécēēte Sedisadɛmmu èi kérénné kudookəti ké ndi pi. ² Kè dèe tuəke Sedesia kpàti benni tɛpíítè nè dimáà.

³ Dibenni tánkù naanwè diyìè wéínni ke sɔ ndikònni deuke bá benitìbè ténke í péú mudii. ⁴ Kè bèe duute kuduotí keyènkè, kóo kpààti yè nè o ãāpòmbè kétūnne Adaba kó kuce, dibòri kəku iduotí idé saku, kùu təkénè okpààti pérímù. Kè Babidɔnni kəbɛe fité dihéi. ⁵ Kè Babidɔnni kəbɛe beti okpààti kóò nìnte Sedikoo biriku kòo ãāpòmbèe cíété kóò yóu. ⁶ Kè bèe ò pī nkékətenè Dibunə Babidɔnni kóo kpààti borè kóò nàké be dɔ kóò dòòmè. ⁷ Kè Babidɔnni kóo kpààti fíé okpààti Sedesia bí o nuə mmieke, kédoké Sedesia nuə nkóò bou timátì kékònnè Babidɔnni.

*Bè wète ke pīrmúmè Sedisadɛmmu kəbe ke kònnè
Babidɔnni
(Wénté Sedemii 39:8-10. 52:12-30 nè 2 Bekpààtibè
təmmú 36:17-21)*

⁸ Babidɔnni kóo kpààti Nebukannesaa kpàti benni tɛpíítè nè diwéínni miéke nke Nebusadadanni tihāāpònti tii bàā okpààti ti kóo kóti wèè tū nhokpààti, ò tùəkenímè Sedisadɛmmu, ⁹ kéduú nkè bèe cóu nti Yiè nKuyie ncīētè nè tehāāpòncīētè nè Sedisadɛmmu kó sicēī siməu, ke cóunnè benitidiəbè

kó sicéĩ simou. ¹⁰ Kè Babidɔnni kó behāāpòmbè bèè cíenní tihāāpòntì tìi bàa okpààti ti kóo kótì kè tìi puo nkuduotí kùù fité Sedisadɛmmu.

¹¹ Kè Nɛbusadadanni wèè baké tihāāpòntì tìi bàa okpààti, kòo pĩmmú bèè nìtìbè do kpáá dihèi nè bèè do yè kóó tũnnɛ nè benìtìbè tɔbè péu kékònnè o ciɛ.

¹² Kè súó mbɛtenkútìbè mǎá bèè bo nkuuti nè bèè bo nhò fiiku dɛtie mbè tu dè fínyĩ.

¹³ Kè Babidɔnni kó behāāpòmbèè bóké disɔwũð kó yɛsǎnkè ti Yiè nKuyie ncĩètè kpɛyɛ nè yɛ kó yɛtɛitiyè nè disɔwũð kó kunankú diɛkù kùù bo ti Yiè nKuyie ncĩètè kɛtɔ disɔwũð kékònnè Babidɔnni.

¹⁴ Kòo túóténɛ yɛsɔɔbɔ bè do ð nkounè yè mutápeí nnè dɛ kó tikāpentì nè dɛ kó yɛsɛ nè dɛ kó ihaké nè sibúkúsí. Dèè kó dimàà cénkɛ tú disɔwũð kó tinɛntì bè do pĩnnè tì ti Yiè nKuyie cĩètè miɛkɛ mutōmmú.

¹⁵ Kuhāāpònkù kùù baké tìi bàa okpààti kè kùu túóté sisɔɔbúkúsí nè yɛbɔ bè do méúnè yè mɛyĩ ndèè kó dimàà cénkɛ tú mɛsɔ nkɛrɛ nè timátì péitì kpɛrɛ.

¹⁶ Sadomɔ do dòðnè dīi sɔwũð ti Yiè nKuyie ncĩètè kó tinɛntì ti cǛéékù do í mǎkɛ kù mǎmè. Yɛsǎnkè diɛyè yédé nè kunankú diɛkù nè tɛnaasǎntè tɛè kù tɔ nè yɛcǛéétiyè. ¹⁷ Dɛ kó yɛsǎnkè yédé, dimàà kó mɛokùmè do bo métìrì bèwɛi ndi, bá dī kè dī mòkɛ dītɛitirì dī yómmè kè dī okùmè bo métìrì mèdémè nè dikée. Bá dīi tɛitirì ñnkè kè bè kpɛ mmɛsɔ nke fité kè dè dò nyɛtɛbɛ bè tu yè kèdènátì. Dɛmou kè dè wɛ nke tú disɔwũð mǎá, kɛ mɛ ndò nyédé.

¹⁸ Kè dɛ kó kuhāāpònkùu pĩ nyikuó niùtì diɛwè Sedaya nè Sofonii wèè ò pòkoo, nè bɛtɔbè bètāātì

bèè bàà ti Yiè nKuyie ncîètè, ké bè kpetinné. ¹⁹ Kè kùu pīnnè bè fònte wè kòò tu tekpààticîètè kóo kótì nè betòbè mabè bènùmmù bèè wēhñè okpààti ke bo dihei mièke. Nè wèè baké behāāpòmbè o kóo pátíwāàti, wèè pī mbehāāpòmbè nè dihei kó benitibè tóbè mabè sipísikuò. ²⁰ Nebusadadanni wèè baké Babidōnni kó tihāāpònti weè do bè pīrmú kékōnnè Dibuda èi Babidōnni kóo kpààti borè. ²¹ Kòò kè mbè kùò Dibuda èi Amati tenkè.

Memme Sudaa kòbe yèmè be tenkè.

*Kedaya naammè kùmàndàà Sudaa tenkè
(Wénté Sedemii 40:7-41:18)*

²² Kè Nebukannesaa túóté Ayikammu yaàbire Kedadia Safanni bire kédòò kùmàndàà kòò bo mbaké benitibè o pīrmú ke sùò mbè Sudaa tenkè mièke. ²³ Kè behāāpòmbè iwēi yembè mabè nè be kó tihāāpònti kè bèè keè Babidōnni kóo kpààti dòòmè Kedadia kùmàndàà kékòte o borè Misipaa. Nte de yembè yètè: Isimayēeri nè Netanniya bire nè Soananni Kadaya bire nè Kedadia Tanneumeti bire Netofaa èi kou nè Yasanniyau Maaka bire, bèè do mbe nè be kó behāāpòmbè. ²⁴ Kè Kedadia be dōúnnè dinùù ke dò: Di bá nyīèkù Babidōnni kòbe kè di kōmbùàti bè duò, mbonè dihei mièke ke pī mBabidōnni kóo kpààti tōmmú, di yó mbomu kè dè di naati tìmatì í yóó di kòkénè.

²⁵ Memme otànkù oyienwè mièke Isimayēeri Netanniya bire nè Edisamaa wèè do tú tekpààticîètè kou, kényénè betòbè mabè tepíitè, kè bèè kòte képoté Kedadia kékuò, kéwēnnénè Sudaa kòbe nè Babidōnni kòbe bèè do o bonè Misipaa. ²⁶ Memme

bɛnìtìbè bɛmɔu yòtɛmè Babidɔnni kɔbɛ, kétúóté bɛsámǝpóbè nè bɛdiɛbè nè bèè baké bɛhǎǎpòm̀bè kè bèè coké bɛmɔu kékɔtɛ Esibiti.

*Babidɔnni kóo kpààtì d̀d̀m̀ Sosakinni mɛsàà
(Wénté Sedemii 52:31-34)*

²⁷ Bè mɛ mpĩ nSudaa kóo kpààtì Sosakinni kékònnè Babidɔnni, kè dè mmɔkɛ yɛbie nsipísìtǎàtì nè ỳyiekè, otǎnkù tɛpíútè nè odéríwè, diyìè sipísìdè nè diyìénnì yìè kè Babidɔnni kóo kpààtì Efidi-Mɛdodakii di tikpàtì, kóò kuó mmɛsém̀m̀ kóò kpeté kóò dènnɛ dikpetíntou, ²⁸ kóò nàké tinǎǎnsààtì, kóò níí nkoò mbaké bɛkpààtìbè tǔbè nè bè bè do wɛ nkɛ bo Babidɔnni. ²⁹ Kòo duó nkè Sosakinnii dáté tikpetínyààtì, kényo nwenwe Babidɔnni kóo kpààtì borè o fòm̀mu mumɔu miɛkɛ. ³⁰ Kòo kpààtì weè nyé o kpéí nsǎǎ, yɛwɛ yɛmɔu duóm̀, o fòm̀mu mumɔu miɛkɛ.

Bibiri Kuyie Nnààntì Pátírì
The Holy Bible in the Ditammari language of Benin

copyright © 2001 SIM International

Language: Ditammari

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-05-31

PDF generated using Haiola and XeLaTeX on 11 Nov 2022 from source files dated 1 Jun 2022

5e2d0f12-f1d8-567b-bf98-cf1de4599d16